

CIJALUZYO CA MULYANGO

 Ii coolwe cakuba ku cikombelo! Kwakali kulangilwa aniini kuli ndime, akwalo. Mebo, mukuziba kuti sunumasiku bwakali busiku bwa mulalilo, Nda botelwa lyoonse, ikuti na Ndili kubusena buli boonse, kuboola mu mulalilo. Nkaambo cili... Ndi yeeya kuti boonse Banakristo beelede kulangila mu kulya mulalilo, nkaambo Jesu wakati, "Ikuti na tocilya, to jisi cibeela a Ndime." Nkikaako, calo ii... lyoonse ncoolwe cipati ku—ku boola mu cikombelo. Mpawo, sunumasiku, Mukwesu Neville waamba kuti waanga jwi aniini buyo, a—a kuyanda ikuti na inga Nda kanana ku mbunga yesu. Nda kamwaambila kuti Ndiyo botelwa kucita boobo. Ndi yanda kwaambilizya akwalo kuti ikuti...

² Juunza masiku muswaangano wa bantu, basyomesi, juunza masiku, a basimakwebo kuno ba mbungano, ku muswaangano wabo wamasiku walyoonse mu Muvulo a wabo... kuba a muzeezo wakupanga antomwe a muyasi mupati. Ndi yeeyela kuti nyoonse mula mvwisya kuti mapepa esu—esu—esu aka mana, alimwi tuyu konzya kuyaka mbungano. Elyo aboobo cila indamo, alimwi antela ciyo talika mvwiki eyi. I mbungano ilatalika mvwiki ino, kuciimo Mbwe zyi. Elyo baka tukaka aa mapepa, kuno mu Jeffersonville. Pele twa kaunka ku Indianapolis, cisi, nkabela baka tupa kuzumizigwa, aboobo tuyu ciyaka. Elyo aboobo cila talika, antela, mvwiki eyi. Ciyo zibwa kwamana muswaangano juunza masiku. Elyo mpawo kwamana muswaangano juunza masiku, ikuti na taba taliki mvwiki eyi, ikuti na cintucimwi cacitika, sikuyaka mupati takonzyi kutilika mvwiki eyi, uyo talika mpawo mvwiki itobel.

³ Elyo aya mamanino aboola aamvwiki, Mujibelo masiku, Munsondo cifumo a Munsondo masiku, mvwiki iccilila, oyu mu Mujibelo uuboola a Munsondo, Mwami nawayanda, Ndi yanda kuba a ii—ii—ii muswaangano wabutatu, alubo, mbuli mbo twa kacita mvwiki zisyoonto zyainda. Elyo mpawo twamana... Ayo ayooba masiku mu Mujibelo, elyo mpawo Munsondo cifumo, elyo mpawo Munsondo masiku. Eci citobela, eco ciyooba theetini a footini ya mweezi oyu.

⁴ Elyo mpawo bamwi bakwesu a Ndime tula unka kuzwa ciindi eco, kuya ku Colorado, aa lweendo lwa kuvwima, mpawo kujoka. Ikuti na cikombelo, cindi cakumanizigwa, ikuti na nduyando lwa Mwami, Ndi yanda kubweza, ndiza, mvwiki imaninide ka Ndi tana kuzwa alimwi mu miswaangano, a kuba a *Zinamatizyo Zili Ciloba* zya Ciyubunuzyo. Kakutanaba buyo... Mbuli mbo twa kajisi *Makkalo Aa Mbungano Aali Ciloba*, eno *Zinamatizyo Zili Ciloba* zya kutobela Eco.

⁵ Elyo antela mu kutandila mvwiki zyobilo zitobelna na zyotatwe, nkaambo Ndi yeeya kuti bataminina ba, a baalumi abo bayo cibikka ali ncico, bala konzya, tula konzya kuyaka cikombelo a kuci njizya kutandila mazuba ali kkumi, na kkumi aosoanwe, cintucimwi mbuli ceeco. Mpawo tu yooba a busena bukubwene awa kutandila ziindi zyobile bantu mbotu jisi, na ziindi zyotatwe, ndiza bantu banji. Elyo nje nzila Mbwe kali kulindila mane ku ciindi eco.

⁶ Nkaambo, mu Mujibelo a Munsondo mwakainda, cakali kuyoosya, nywebo mulizi. I bantu baka liimvwi awa aa tuu okuloko isikati, ku kuzuza cikombelo, mbungano kiitana kusola kujula. I cifumo cakacilila, aa faivi okuloko, narsi simukoboma, kaboola kuzwa kutala kuya, kati, "Kwakali bantu baka vumbilila buyo koonse ku cikombelo aa faivi okuloko cifumo." Aboobo, elyo mpawo bantu, cindi banjila, kwiina busena, nkabela bala tyompwa nkabela bala unka. Elyo—elyo mpawo abo baimvwi, a kulundikwa a kusyankana mu mwakwiinda, balimvwa kuminwa koonse, azintuzyonse. Elyo Nda bona banakazi kabaimvwi kuya, kabazwa nkasaalo, nywebo mulizi, mbuli obo, a kuzwa nkasaalo kailoka kuzwa kuli mbabo. Elyo mwaalumi umwi wakaleka a kupa, mwanakazi umwi cuuno; elyo mpawo uyo ima mane maulu aakwe alacisa, alimwi mutnu umwi umbi uyo mupa. Nywebo mulizi, alimwi mbuli boobo, alimwi cila usisya nsoni, a bamatumbu bajisi bana baniini baciswa a zimwi zimbi, eco ncibi.

⁷ Aboobo, tu sola kugwisya ceeco kwinda kukuyaka cikombelo cipatiloko. Elyo tu yooba a busena bubotu oko bana, ciindi cimwi... a kunyonganya, mbuli bana baniini kabalila; ee, tu yooba abusena bwa ceeco, kutegwa bamatumbu kabano njila mukati, akucikonya kubona kuswaangana, akuba a kapepele moonya mu busena. Alimwi kuba atwaanda twa kuyila Munsondo azintuzyonse kubambwa munzila mbuli mbo zyeelede kuba. Elyo kuti, ikuti na Mwami wayanda, cicitika, kaboola mvwiki eyi iboola.

⁸ Nyoonse mwa kavwota peseenti iili mwaanda aali ncico, aboobo twa kajatilila ncobeni kuli eco, mwabona. I mbungano ilalyeendelezya. Eco mbungano nco yaamba, eco nce ncico. Basyomesi na taakwe mutnu uumbi... I basyomesi bali buyo, umwi aumwi, vooti. I mweembeli ujisi vooti lyomwe buyo. Ni mbungano, kuti ngu—ngu kulisalila kwa mbungano, kulyeendelezya kwa mbungano. I mbungano, muli zyoonse, ilakanana. Kwa mana. Elyo tula ciyanda eco, nkaambo ta tujisi mabbishop na mamembala manji na balinguzi na bamwi bambi ku twaambila *eci*, *eco*, na *cimbi*. Walo Muuya Uusalala mu mbungano, ucita ukanana. Ndila uyanda oyo mulazyo, alimwi mubotu kapati.

⁹ Elyo Nda kabuzya, "Sena nyoonse mwali kuyanda kulindila mane tujisi kunji kwa kugusya cikombelo a kuyaka mbungano

mpati?" Eco cakali mu nkamu ya basyomesi, alimwi tii cakakonzya kukkwana a basyomesi. Elyo mpawo baka ndibuzya, mbuli mulinguzi wakonse, kuboola a kulomba mbungano. Aboobo Nda kati, "Lino tu jisi mali manji akuyungizya musela wa mbungano a kwiiibamba koonse bwandeene, a zintuzyonse, kwinda nzo twa kajisi." Nda kati, "Lino tula konzya kucita ceeco mpoonya awo, na kuyobola mali esu mane tujane kunji kwa kubikka mbungano imaninide, bupya, busena bumwi bumbi."

¹⁰ Elyo twa kabweza voota ali ncico mu mbungano, alimwi tii caka sala ku "bikka mbungano atala ndyoonya lino, elyo nkuyaka buyo eikombelo cipati cakufwambaana lino." Elyo twa kakkala ncobeni a ceeco.

¹¹ Elyo boodi awa mu Jeffersonville waka tukaka, kati tii twa kakonzya kucicita. Elyo twa kaunka okuya, a kuunka ku Indianapolis a kuleta Cisi ali ncico. Elyo mpawo baka josya ijwi, kuti, "kozumanana," tuli jisi nguzu zya nzila ya kulyaka. Aboobo mpawo dolopo tali jisi cintu cakucita a ndilyo lino, calo Nciimo ceelede kucicita. Aboobo mpawo tu jisi kuzumizigwa, alimwi simulimo mupati ujisi i—i kuzumizigwa mu janza lyakwe ndyoonya eno, elyo Ndi yeeyela kuti bali libambilide kutalika kufumbwa ciindi.

¹² Eci juunza masiku, ikuti i—ikuti na tuyasi mupati waamba kuti uyanda kutalika mvwiki iicilila, mpawo Njo sotoka buyo miswaangano ya i...kusikila tuka njile *Zinamatizyo Zili Ciloba*. Elyo mpawo ikuti buyake bwabuleya tabu konzyi kutalika mvwiki itobela, mpawo Munsono mutobela, Mujibelo a Munsono, Ndiyo oba a muswaangano kakutanaba kuzwa.

¹³ Elyo mpawo Nda kali kuyanda kuba a ncico Munsono eyi, elyo mpawo kuziba masikusunu mbusiku bwa mulalilo, aboobo Nda cisotoka Munsono eyi. Nkaambo, bbunga lili boobo, to konzyi kulya mulalilo cakulikwaya, elyo mpawo cindi twa nojisi mbungano mpati maningi njo tukonzya.

¹⁴ Lino, tu jisi Muleli uboola. I...oh, nywebo mulizi eco Nce pandulula, cakapegwa buyo ku mukwasyi wa Hickerson kutali ciindi cilamfu cakainda. Elyo mucizi wesu uli ngu sipia, ikuti na uyo boola a kutupa bulile buniini aa piano, ya "Amu Banjizye," ikuti na moyo cita, na nyimbo imwi niini ya musyobo oyo. Aba balombwana babotu baniini mu mukwasyi wa ba Hickerson, abo bakalangila kwa ciindi cilamfu, bakasika. Ii mulombwana muniini mubotu loko, alimwi masimpe ni ngale kubana Hickerson. Elyo boonse ni ngale kuli ndiswe, tula bayanda alimwi mbakwesu a mucizi wesu ncobeni. Tuli lumbide kuba amwana oyu muniini kuzyalwa mu mukwasyi wabo, oyo waleta ncobeni lucinco lupati ku mukwasyi. Elyo ikuti na balo, taata a baama bayo leta oyu mulombwana muniini lino ku kutuulwa. Lino, Lugwalo lulati, "Ba ka Mu letela bana,

bakazibya makani, kuti Ako nzye kubikka janza Lyakwe ali mbabo a kubalongezya.”

¹⁵ Lino, kuli bantu mu inyika abo basyoma muli ceeco ncobaita kuti “lubbizyo lwa muvwanda.” Elyo, nkuti, ba bweza balombwana aba baniini a kutali kuba bbizya pe, nkaambo, basansaila buyo maanzi ali mbabo. Lino, ta tujani eco kuli koonse mu Bbaibbele, awo mpoba kasola kusansaila muntu uuli onse, batapi, amuleke bana bali boonse.

¹⁶ Elyo aboobo lubbizyo nkulyaambilila kuti mulimo wa mukati wa luzyalo waka citwa. Elyo bavwanda baniini tabakwe luzibo lwa zibi. Nkikaako, cindi Jesu nakafwa aa ciingano, Wa kafwa kugwisya cibi ca inyika. Elyo cindi muvwanda waba muntunsi, a kuzyalilwa mu inyika eyi, taba jisi cibi cabu beni, nkikaako taba jisi kweempwa kicutwa. Pele, cindi eco, Bulowa bwa Jesu Kristo bwagwisya cibi eco. Mubwini, muvwanda wazyalwa mu cibi, kabambwa mu milandu, kaboola ku inyika kuzo beja, alimwi mba sizibi ku bulenge, pele Bulowa bwa Jesu Kristo bula lungila ceeco. Pele cindi muvwanda aboola ku musela wakuli vviilila twaabmo, a kuziba eco ciluleme a cilubide, mpawo weelede kweempwa kuli ceeco nco cakacita. Cibi cayo lino ncibi mbuli buyo kuzyalwa mu cibi, calo ncibi cabuntu, cibi lino calo ncibi eco Adamu a Eva ncoba kacita; nkabela eco caka jatilwa kuli Leza, ku Bulowa bwa Jesu Kristo. Lino muvwanda ta jisi zibi zya kweempwa kuzwa kusikila wa zibi, mpawo weelede kweempwa. Mwabona? Elyo cindi aempwa, mpawo nce ciindi ceelede kubbizigwa, elyo mpawo ula bbizigwa ku kunyikizya.

¹⁷ Kusikila ku ciindi eco, tu tobela malailile aa Bbaibbele, ayo, “Ba kaleta kuli Jesu bana baniini, kuti Ako nzye kubikka maanza Akwe ali mbabo a kubalongezya.” Oyu muzyali mubotu sunumasiku waleta muvwanda oyu muniini ku mweembeli a Ndime, ku kutuulwa. Elyo balimvwa kuti kucibikka mu baiminizi ba maanza aa Kristo, bali mukucibikka mu maanza aa Kristo. Mpawo, ku lusyomo, tu tola muvwanda kuli Leza, kupa kulumba ku muleta kokuno, a kulomba Leza ku mulongezya, oko nko twiita kuti “kutuula kwa bavwanda.”

¹⁸ Lino, nywebo mulizi obo Mbwe yooba a bana bangu beni. Ndi jisi musimbi muniini mu Bulemu sunumasiku, alimwi waa tuulwa ku Mwami, awa aa cipaililo. Ndi jisi mulombe muniini a musimbi ukkede kusule okuya, sunumasiku, oyo utana bbizigwa. Omwe, kkumi aumwi, Ndali kwaambaula kuli nguwe kujatikizya ncico sunu, Sarah, ku lubbizyo. Elyo Joseph uli myaka biyo ili ciloba, aboobo uli mukubusyi loko kuli ncico, kuciimo kusikila... .Ikuti na wa ciyanda, a kwaamba kuti Leza wakali kucibikka aa moyo wakwe, inga Nda cicita mpawo. Pele, mbuli bana, Nda batuula buyo ku Mwami, nkaambo oko nku yiisya kwa Lugwalo kuli ncico.

¹⁹ Mukwesu Neville, ikuti na uyo enda andime lino ku mulombe oyu mubotu. Nda kali kuyoowa... Sa oyo ngu Hollin? Hollin? Inzya, Hollin, Junior. Stephen Hollin. Ee, eco cili kabotu. Oh, Nda kayeeya kuti wakali koona. Obo mbo bupange bwabana Hickerson, kufumbwa cintu cicitika. Nda kamubona buzuba bumwi, Nda kati "Mweendelezi," abumwi bumbi. Elyo, mubwini, oyo wakali muniini loko kuli nguwe, mwabona, kukanana nguwe mbuli "Muleli." Wapona buti? Ee, Ndi lizi eyo iangidwe kuba lukono kuli umwi mutumbu munaleza. Sa inga toyeeya boobo? Mubotu loko. Elyo lino, Mukwesu Hickerson a Mucizi Hickerson, mbuli mulanda wa Kristo, mbuli mweembeli wanu, Nda bweza muvwanda oyu, ku lusyomo, ku maboko aa Jesu Kristo, muli Nguwe moyanda ku cibikka mu maboko Aakwe.

²⁰ Atu kotamike mitwe yesu mbuli mweembeli a Ndime twaima awa a maanza esu aa muvwanda.

²¹ Taata wesu Wakujulu, mu Bbaibble bakaleta bana Bako baniini, kuti Uka bikke maanza Aako aali mbabo a kubalongezya. Elyo nincobeni, Mwami, ba ka lelekwa. Elyo lino kutobela mukozyanyo Wako, zintu Nzo kacita, twa kasoleka kabotu, Mwami, kubala Bbaibble a kutobela mukozyanyo mbuli Mbo kacita. Elyo aba bawisi a banyina, Mukwesu a Mucizi Hickerson, basikwiya besu bayandwa okuno mu cikombelo, kutu letela olu lutangalo luniini Ndo kabikka mu kumamelwa kwabo. Luzwa kuli Nduwe, Mwami. Wa kabapa mwana oyu. Elyo lino bayanda kupa buumi bwakwe buniini kuli Nduwe, kuba mulimo kuli Nduwe. Nda komba kuti Yebo uleleke mwana oyu, kuti Uyo mupa buumi bulamfu. Akube kuti apone, ikuti na kulakonzeka, kubona Kuboola kwa Mwami. Nda komba kuti Uka muleleke kufumbwa nkwa bede. Akube kuti ume mu ng'anda ya Bunakristo, mbuli mbo wazyalwa muli imwi. Elyo akube kuti cinjile mu ng'anda eyi. Akube kuti bawisi a banyina bapone kubona muvwanda mu cikambaukilo, na kulakonzeka, kukambauka Makanimabotu. Inga basala kucibona mu nzila eyo, Taata, kwiinda aa i—i cuuno cabwami ku Ng'anda Ituba, na kuli koonse kumbi, nkaambo mbalanda Bako, alimwi bayanda buumi bwa muvwanda kuba kutuula a mupailo wa zilongezyo ku mulimo wa Leza.

²² Lino Nda komba, Taata, kuti Ula longezya mwana. Elyo akube kuti luzyalo lwa Leza luboole ali nguwe, alimwi akube kuti ibe anseba mbotu a yaku kkomana mu buumi bwakwe boonse. Elyo akube kuti bawisi a banyina bapone kubona kuti bakomena, twa lomba alubo. Longezya oyo ngo tulongezya mu Zina Lyako.

²³ Elyo lino, Stephen Hollin Hickerson muniini, Nda kupa kuli Jesu Kristo, kuti zilongezyo nzo twa lomba ziboole ali nduwe. Koba anseba mbotu a muyumu, mukwesu wangu muniini,

alimwi akube kuti uka pone kulemya Leza. Mu Zina lya Jesu Kristo twa cikumbila. Ameni.

Leza amu longezye. Leza amu longezye nyoonse. Muvwanda mubotu loko.

Oko nkotu taka cembaali, taka cembaali,
Mu Nyika oko nkotu taka cembaali;
Taka cembaali, taka cembaali,
Mu Nyika oko nkotu taka cembaali.

²⁴ Sa taku kaboti loko? I bakubusyi bayooba bapati, a bapati bayooba baniini. Lino, sa eco tacili cibotuloko? Elyo ta tuka ciswi, na kutaba a buusu, na kutafwa.

²⁵ Lino, miswaangano, Mukwesu Neville waamba. Ndi yanda kwaambiliza lino, akwalo, kuti muswaangano oyo, muta cilubi, a miswaangano nja kaamba. Akwalo, i Muka. Ford eyo wakali kuboola ku mbungano myaka yakainda, Nda kamutola ku mwana wakwe musimbi, mazuba masyoonto ainda, alimwi wa kali a myaka ili makumi ali lusele yakukomena, a kuunka kuyo swaana Mwami busiku bwainda aa eiti okuloko, Nda yeeya. Elyo miswaangano yakwe, mweembeli a Njo citila chapelo yaku Coots' Bwatatu, aa teeni—teeni theeti, Bwatatu obu buboola. Muka. Ford, Muka.... Ndi yeeya kuti Nda luba eco cakwe.... Levi, Muka. Levi Ford. Besu... Abo—abo mbanyina ba Ford ba Fordi abo mbo mubona mu bbuku lyangu, kuti wa kali kuyo ndibambiliza eyo nsuuti ya Busikkauti bwa Basankwa, alimwi Ndi jisi biyo comwe caku sama ku maulu cisyeede. Lino, abo—abo mbanyina ba mulombe. Aboobo Nda kamutola kutala buzuba bumwi a kukomba a nguwe, cintu cakaindi citakweankociya. Elyo waa kaunka kuyo swaana Mwami Jesu.

²⁶ Lino, ikuti na Mwami wayanda, Nda jisi cintucimwi awa eco Nce konzya kwaambiliza kuti miswaangano, ikuti na baboola ku mvwiki eyi itobela, ikuti na Nda babikka omu, na nokuceya Ndali kuyeyya kuti Nda cita, kujatikizya eco Nce kali kuyo kanana aa i—i—i kuboola, kuswaangana oku kwa mvwiki iicilila. Ikuti na Ndi—Ndi yeeya.... Ndali kuyeyya kuti Nda cibikka mu bbuku eli, Nse zyi naa Nda cita na pe. Iiyi, nceeci we. I Mwami nawayanda, Mujibelo masiku Ndi yanda kuyo kambauka aa ciiyo ca “Baa muntu omwe woongelezya buumi bwa umbi.” Elyo Munsono cifumo Ndi yanda kukambauka aa “I kubikka kwansonje ya piramidi.” Elyo Munsono masiku Ndi yanda ku kambauka aa *Mweenzyi Wangu*, ciiyo, *Mweenzyi Wangu*, ku masiku Munsono eyi iiboola masiku. Lino akube kuti Mwami alongezye zintu ezyo a kundi gwasya, mbuli Mbwe kazimaana, a ciiyo buyo ciniini ku zibweza.

²⁷ Lino sunumasiku, tu yanda kubinda a kuba a zintu zisyoonto. Akwalo, Ndi jisi lugwalo awa olo—olo luboola buyo mu lugwalo, mbuli Billy mbwa lubweza kaindi kainda, kuti bakwesu bamwi bali mu Michigan, alimwi eci cizwa ku nkamu

ya bakutausi abo bajisi zintu zinji. Eco nce cinyonganya zintu, nywebo mwabona. Kuti, ba taminina mukati muno kuti bakwesu bamwi kutala kuya abo bakati Nda kabatuma kutala kuya, alimwi bali muku kambauka kuti bantu baleelede kusiya bamakaintu babo a ku yandaula sinkwela nyina wabo wa kumuuya, alimwi kuti—kuti Nse kakilwi ncobeni. Kuti kwiina cintu... Elyo, oh, zimwi zintu zibyaabi maningi nzo kasola kumvwa. Elyo nkamu ya bakutausi yaka cijata, alimwi balandi lembela lugwalo kujatikizya ncico, alimwi kuti Nda kaatuma okuya alimwi kupa lupyopyongan lunji. Elyo bamwi babo kabasinsima a kwaamba kuti mwaalumi omwe weelede kuleka mukaintu *oyu* a kuunka kuyo kwata umwi *oyo*. Lino, eyi mbungano ilizi kuti ta twiiminini bufuba buli boobo.

²⁸ Tula syoma mu Bbaibble. Tula syoma kuti cindi mwaalumi atola mwanakazi, *oyo* mukaintu wakwe, a lufu lukonzya buyo kwaandaanya. Eco buyo. Ta tusyomi zintu zili boobo mbuli ezyo. Ta tusyomi mu luyando lwakulikwaya, akwalo. Ta tusyomi mu zintu ezyo. Tu syoma ncobeni Bbaibble, alimwi Eelyo luzutu. Aboobo Njo cikkopolola buyo, kkopi lya lugwalo olu, a kupa bwiinguzi bwangu kuli ncico a kububikka mu ma magazini, elyo eco ciyo—eco ciyo mamela ceeco. Nda syoma cila cita, nekuba, kwiingula kuli mbabo.

²⁹ Lino sunumasiku, katutana buyo kujula Lugwalo, atu kanane ku Mwami wesu.

³⁰ Taata wesu Wakujuju, twa swena ku Cuuno Cako cabwami ca luse, mu Zina lya Mwami Jesu, Oyo Umwi mupati wakaseluka kuzwa ku Bulemu kuyubununa kuli ndiswe buvubi bwa lubono Iwa Leza. Obo mboto Ku lumba nkambo ka Jesu oyu mupati Oyo wakali kutondezegwa kwa Leza, wakatuleta cigaminina kuli ndiswe, a kwiinda muli Nguwe tu jisi lununuko kuzwa ku zibi zyesu. Elyo lino twa kazwa ku lufu kuyaku Buumi, nkaambo tula Mu syoma. Nkambo kuli lembedwe Nguwe, kuti Wa kat, “Oyo uumvwa Majwi Angu a kusyoma Oyo waka Ndi tuma, ujisi Buumi buteeli; alimwi takabooli ku lubeta, pele wakazwa ku lufu kuya ku Buumi.”

³¹ Longezya Majwi Aako, sunumasiku, Mwami. Elyo tuli waano kulya mulalilo mu ciindi buyo cisyoonto. Munakristo, basicisi nyina iba Bwami bayo bungana kuzunguluka zipaililo, elyo kuya bayolya eco neco twiita kuti “mulalilo,” i—i cibeela ciniini ca—ca cipobwe eco Nco katusiya, kutondezya kuti tula syoma kuti Wa kafwida zibi zyesu, a kubuka alubo aa buzuba bwatatu, a kupona kwalyonse, a kucita ceeci kusikila Uka joke, kweendelana ku Magwalo mbuli mbo tulaililwa. Salazya myoyo yesu kuzwa ku miyeeyo mibi a zyoonse nzo twa kacita ezyo zyakaimpene ku luyando Lwako lupati. Taata, kotu jatila, a kutupa luzyalo Lwako sunumasiku. Amupasaule kuli ndiswe lino Cinkwa ca Buumi, mu Ijwi, mbuli mbo tu Ci bala a ku Ci kanana. Mu Zina lya Mwami Jesu, twa cilomba. Ameni.

³² Lino mu Bbuku lya Ciybunuzyo, katalikila kampango komwe biyo, Ndi yanda kubala kampango ka 20, na kampango ka 1 ika cipati 20.

Elyo Nda kabona angelo kaseluka kuzwa ku julu, kajisi cijaluzyo ca mulindi uutagoli a nketani mpati mu janza lyakwe.

³³ Lino Ndi yanda ku kanana, ikuti na inga caba, ikuti na Nde elede ku ciita kuti cibalo kuzwa kuli eci, na kubamba ciiyo kuzwa ku cibalo eci, kwa maminiti atobela ali makumi obilo na makumi obilo aosanwe, Ndi yanda ku ciita kuti, *Cijaluzyo Ca Mulyango*. Lino, Nse lombozyi ku—ku cibamba “zijaluzyo,” nkaambo Petro waka pegwa “zijaluzyo zyaku Bwami.” Pele Ndi yanda kwiita ceeci: *Cijaluzyo Ca Mulyango*. Elyo mpawo kwamana buyo eci, Ndi yanda kupa bukanazi busyoonto aa mualiloo, katutana kuunywa sunu masiku.

³⁴ Lino, cijaluzyo. Nda bona awa mbuli mbo tubala, kuti oyu Angelo wakaseluka kuzwa ku Julu, kajisi cijaluzyo mu janza lyakwe. Nda syoma ngu Ciybunuzyo 13 na 19, tula jana alubo, Angelo umbi kaboola a cijaluzyo. Elyo cijaluzyo ngu, bukanze bwa cijaluzyo, nkuzibya cintu cimwi, cintu cimwi eco cakajalwa, na ncintucimwi ceelede kujalwa. Pele cijuzyo ca pegwa ku bukanze obo.

³⁵ Lino, kuli misyobo minji ya zifuluzyo, nkaambo tu jisi minji iibelesya zya zifuluzyo. Kuli zifuluzyo zya ku matala. Kuli cijuzyo ku ng'anda yako, kuli cijuzyo ku mootokala wako. Elyo tu ziita kuti zifuluzyo, alimwi azylo nzifuluzyo. Alimwi zila konzya kukkopololwa, ziindi zinji. Na ku ng'anda, kuli ziindizimwi nozikonzya kupangwa, nce twiita kuti, cijaluzyo ca zitendele zinji. Mu majwi ambai, ncijaluzyo caka pangwa a maliva, abeleka ali ncico, ayo—ayo anyona ciloko munzila imwi akutandila kujula mulyango uli onse, citegwa “cijaluzyo ca zitendele zinji.” Mbupange bwa bwa zifuluzyo zinji, alimwi inga cajulwa munzila eyo, ku maanda esu na nokuba ku myootokala yesu, lakonzya kukkopololwa. Elyo mpawo kuli . . .

³⁶ Kufumbwa cilujuzyo ta cikonzyi kujula mulyango kusikila cabelesegwa ku kwankwa. Ceelede kuba a cintucimwi ca kubelesya cijaluzyo. I cijaluzyo lwaco tacikonzyi kuli belesya cini. Ceelede kuba a cintucimwi ca kwaaba cijaluzyo.

³⁷ Cili mbuli eyi maikrofooni eyo Nje—eyo Nje belesya kukanana. Eyo maikrofooni iluumwine. Citakuti kuli cintucimwi ca kwaambaula kwiinda muli ncico, ta cikonzyi kukanana kwiinda muli lwaco. Ci leelede kuba a cintucimwi ca kwaambaula kwiinda muli ncico. Aboobo, taili maikrofooni, ndi jwi na i—i coongo (kusule) eo maikrofooni itola ku i—i mayuwe aluwo, ku matwi.

³⁸ Lino, eyo nje nzila mboibede mu kukambauka Makanimabotu. Ta tuli ndiswe, mbuli bakutausi, ta tuli Makani

mabotu. Pele tuli basikutola biyi abo bainzya Jwi lya Leza kwinda mu kwiiminina kwesu, kwa bantu, kuya kuli sikumvwa.

³⁹ Ii cilengaano ni nzila njiyonya. Nse zyi cintu ca kwaamba ku mbungano ku ciindi eci kujatikizya cilengaano. Pele ikuti na Muuya Uusalala watondezya, lutaanzi, mebo cilengaano, mpawo Nda ciinzya cilengaano eco kuli umwi nko cigamikidwe. Aboobo tii cakali cangu, mebo, cilengaano tii cakali cangu, Nda. Wa kali Leza wakapa cilengaano, alimwi Nda kalilemeka mbuli sikutumina, ku kuleta mulumbe wa cilengaano ku bantu.

⁴⁰ Lino, cijuzyo ncintu nciconya. Mundi jatile. I cijuzyo biyo ceelede kujatilwa mu janza eco cijula mulyango. Mwabona, ceelede kuba afwaafwi. Lino, alimwi mu cijaluzyo Ndiyo kanana sunumasiku, ndi janza lyomwe biyo likonzya kujata cijaluzyo eci, alimwi eelyo ndi janza lya lusyomo. Nce cintu cilikke cikonzya—konzya kujata cijaluzyo eci. Elyo maanza ajisi cijaluzyo zimbi, nkabela citola janza lya lusyomo kuli ceeco.

⁴¹ Lino, tula bweza mbuli cijaluzyo ku luzibo. Lino, muntu weelede, ikuti na usola kuvuzya luzibo, mwabona, lino, kuli cijuzyo kuli ceeco. Njeeyo nzila muntu oyu njakajula. We elede kuba...ku jana mabbuku akwe a kwiya kwakwe, elyo ta konzyi...taakwe ukonzya ku mwiiya. Inga ba muyiisya, pele uleelede kwiya. Elyo nzila biyo mbo cikonzya kucitwa, weelede kujata cijaluzyo eco, kuti cintu cimwi mukati muya eco civungulula na zita-...ciyubununa kuli nguwe luzibo olo ndwa yandaula.

⁴² Elyo kuli bantu bali mbuli banga basola kulizya piano, alimwi ba...na ciimbo. Ta bazi buyo nzila mbo bacicita, pele bakali kukonzya kuunka kuya a mwiiyi inga wa bweza ciyyo a ciyyo, alimwi taba kaciiyi pe. Taba konzyi buyo kujatilila cijaluzyo eco ku maseseke ayo, obo rithimu a saundi ya kunyona azimwi kulila. Citola cijaluzyo.

⁴³ Alimwi matahmatikisi, kuli cijaluzyo ca mathamatikisi, alimwi weelede kuba a kujata kwa ncico. Nda kabona bantu kaba konzya kubweza mincali yone ya myeelwe, aku bikka tunwe twabo, akamwi kanwe kabo a muncali wa myeelwe, a kuselemuka ncobeni mbuli *obo* ndiza myeelwe yosanwe na cisambomwe kuyaansi, a kubikka bwinguzi kutako. Kuziba mincali yone aciindi comwe, kuli konse kuzwa kuli wani kusika kuli naini. Ee, Nda kajisi ciindi ciyumu ku muncali omwe, citakuti Ne kajisi tumwe ntunji a minwe ya kubala, ku—ku bamba bubambe bomwe. Nse kakonzya buyo kujana cijaluzyo eco. Pele, nywebo mwabona, bamwi babo bajisi buyo cijuzyo eco kuli ncico, ba lizi nzila ya kucicita.

⁴⁴ Elyo kuli cijuzyo ku luzibo, muntu mbuli luzibo. Kuli cijuzyo ku sayaansi, kubbutukizya kwa sayaansi. Lino, kuli, eco ncijaluzyo cipati. Bantu ba yandaula cijaluzyo eco.

⁴⁵ Mbuli okuno ciindi cimwi cainda ba kajana atomu, alimwi bakaziba kuti kwakali maatomu, elyo mpawo maatomu akapanga mamolekyu azimwi zimbi. Lino, beelede kulingula, umwi wakali kusyoma ikuti eyo atomu yaka jisi zintuzyonse antoomwe, ikuti na atomu ya konzya kunyonwa, eco inga cabweza ceeco cijisi a kuci pasaula mu tubeela. Nkaambo, zintuzyonse zili jatilide ku atomu, tu lizi obo. Lino, eco cikwankwani cili jisi maatomu. Muli jatilide antoomwe a maatomu. I bwizu, masamu, zintuzyonse zila jatana antoomwe a maatomu. Ee, ikuti na atomu oyo, kaunyona nzila yomwe, ikuti na ila konzya kupasaulwa akujosegwa, mpawo inga ya nyonyoona. Elyo, lino, basayaansi bapati basyoma kuti eco cakali kukonzeka kucitwa, nkabela baka beleka nkabela baka beleka, elyo baka kkala oora a oora, a mvwiki a mvwiki, mwaka a mwaka, kusikila kumalekelo baka cizunda.

⁴⁶ Ca kali, Nda syoma, Thomas Edison, aa mumuni, kuti baamba kuteeti muntu waka jisi luzibo cakuti waakonzya kubamba malaiti a magesi. Ngu sikwaanza wa mabbaubbu a malaiti. Elyo ta kakonzya akwalo kuunka ku bulo masiku. Wa kali kunga wabweza sandiwicci mu janza lyakwe a kulya busu bwakwe, a kukkala alya a kuyeyya a kubeleka. Kubusena bumwi kulaale kusule lyu mizeezo yakwe, cintucimwi caka mwaambila kuti inga uyo cicit. Ino ncinzi? Ncijuzyo eco cikonzya kujula nzila.

⁴⁷ Kutali myaka minji yakainda, kwakali i—i muntu oyo ngwa kasyoma kuti waka jisi kuli samununa zisani mu kusangabalisy. Wa kasyoma kuti wa kajata cijaluzyo mu janza lyakwe. Elyo wa kali kuyanda . . . wa kaunka . . . Wa kapona mu Kansas. Wa kainka ku mulembi wa mutende mupati mu Kansa City, akubikka malembo akwe. Elyo mulembi wa kaamba, “Munene, yebo to ujisi buyo pe. Yebo, kwiina kaambo ka kusola, yebo—yebo tokonzyi kucicita.” Pele eco tii caka mukkutya. Wa kalizi kuti wakali cijisi. Elyo wa kajoka alubo alubo, kasola, pele wa (i mulembi) wakali kumu kakilwa. Kumalekelo, wa kaunka ku masena amwi, nkabela baka mukaka, kaamba, “Omudaala, to cijisi ncobeni. To konzti kucicita.” Pele nekubaboobo wa kasyoma kuti wakali kukonzya kucicita. Elyo nje nzila, ujisi cintucimwi mu janza lyakwe! Kumalekelo, wa kajana ncito ya kulemba malembe amwi masyoonto, Nda syoma, sikulemba na cintucimwi ca mbungano, musyobo umwi wa kaboola kanini kakubotezya mbungano. Wa kali kulenting’ a garaji mwini ya kazwide mbeba na makoce, oko mbeba zyakali kuzuzaana koonse ku busena a zintuzyonse, mu masenke akwe, nkabela waka talika kubona kugambya kwa imbeba imwi niiini. Mpaawo kaano ka Mickey Mouse mpoka katalikila. Lino ngu simamiloni manji aabuvubi Walt Disney. Nkaambonzi? Wa kajisi cintucimwi mu janza lyakwe, alimwi wa kalizi kuti wa kali jatilide, wa kalizi kuti wa kali kukonzya kucicita. Elyo nje nzila kuzwidilila

koonse kupati mbo kubambwa. Cindi baalumi a banakazi bajisi cintucimwi mu maanza abo, eco ncobazi kuti bala konzya kucicita.

⁴⁸ Cindi poliyo nakauma cisi. Mbuli, toonse twa kalaililwa lino kuunka kuyo jana ciindi eci cakupumuna, ku cigusya mu cilobe. Cindi poliyo nakauma . . . Ijilo Nda kali kuswiilila kuli dokotela mbuli Mbwe kali kweenzya kuya mu mugwagwa, dokotela umwi uuzwa ku Louisville. Wa kati, “Ii myaka misyoonto yakainda, cindi cipenzyo cipati nicakauma Louisville,” kati, “ikuti na bantu niba kaima awo Mpe kacita, akubona ma resipireta ali fifite seveni ku ciindi comwe, a bantu, banakazi, balombe a basimbi, bakali lebukide ku bulwazi uutegwa ‘poliyo,’ nkabela kwakanyina cintu cakali kukonzya kucitwa kujatikizya ncico.” Kati, “Nse yandi kubona cintu mbuli ceeco alubo.”

⁴⁹ Pele sayaansi ya kayeeya, “Ikuti na kuli poliyo mubi booboo, kuli cintucimwi ncobeni ca kuuzunda.” Ba kalwanisy, ba kaimikila mu tugwagwa a majombo, abo bantu balanganya mililo, baka sama ngowani, a kulombelela, baka bwezelela, baka cita zintuzyonse, kusola kujana cijaluzyo cakujuila mulyango wa bulubusi. Elyo, kumalekelo, mulombwana umwi Munakristo wa zina lyu Salk waka ijana vakisini. Nkaambonzi? Kwakali bubi ku cijailo, kwakali sikujaya ku cijailo; kwakali cijaluzyo amwi cakali kukonzya kujula lwaanguluko ku muntu alubo, nkabela Salk vakisini yaka jisi kusilika kupati. Oh, eco cijaluzyo nco cikonzya kucita! I ciindi cavakisini caka letwa, elyo lino uli mukugusya poliyo a ciindi eci cavakisini, nkaambo eyo tiya “kali kukatala akuta leka,” eco cijaluzyo cakali abusesa bumwi. Kwakali cintucimwi cakali kuno sita kuzwa kuli njiyo, elyo bakali kanzide ku cijana.

⁵⁰ A limwi ikuti na kuli poliyo mubi obo, difatheriya, simopokisi, yelo fiva, tetenasi, lokijuu, amwi ambi, kuti sayansi, bubi obu, bwa kali kukonzya kulwana, isikati a masiku, kusikila baka kujana kusitwa kuzwa kuli njiyo, nkaambo nku bbi, ila jaya, nkunji buti okuya cijuzyo ca lufutuko ku muntu uli mu ng’anda ya cibi? Kuli cijaluzyo ku mulyango oyo, ku kwaangununa bantu kuzwa kuli ncico.

⁵¹ Ii cijaluzyo, kanji, cindi canyonca cisolo, alimwi, cindi wa jana cijaluzyo, ceelede kuba cikono, cintucimwi cipati ciyandisi, nape inga tocikkiya nokuba. Ikuti na ta ceeleli ku kukkiya, cileke buyo ciinke. Pele cindi ano ceelela kukkiya! Aboobo cijaluzyo kanji i—i kagwalo ku cintu cimwi, na nzila yakunjila ku cintu cimwi eco cileelede. I cijaluzyo, nce caka pangilwa, lino, ciya kujula cintucimwi cipati ciyandisi.

⁵² Lino tula bala mu Musalali Johane, cipati 10, Jesu wakati, “Ndili Mulyango ku cimpatti cambelele. Ndili Mulyango,” kutali *ii* mulyango, “*i* Mulyango, Mulyango ulikke. Ndili Nzila, Nzila ilikke, Bwini, a Buumi, alimwi taakwe muntu uboola kuli

Taata cita kwinda kuli Ndime. Ndili Mulyango ku cimpati ca mbelele a zyoonse ziboola kumbele Lyangu ngu basinkondo, babbi a bafumpi.” Walo Mulyango ku cimpati ca mbelele. Walo Ncitetende ku lufutuko.

⁵³ “Taakwe zina limbi lipedwe kunsi e Julu kuli ndilyo nko mweelede kufutulwa, cita kwiinda mu Zina lyu Jesu Kristo.” Taakwe mbungano, taakwe kabungwe, taakwe kansiyansiya, taakwe njisyo zya cintu cili coonse; cita kwiinda mu Zina lyu Jesu. Eco nce—eco nce Cijaluzyo. Ta cigambyi Petro ncakali kukonzya kubelesya umwi wabo aa Buzuba bwa Pentekoste! Ba kali kuyanda kuziba nzila ya kunjila mu Mulyango oyo. Wa kabelesya Cijaluzyo. Elyo kuli Cijaluzyo comwe biyo, nkaambo kuli Mulyango omwe buyo. “Ndili Mulyango.” Elyo Petro waka jisi Cijaluzyo kuli Ncico. Elyo wa kati, “Amusanduke, umwi aumwi wanu, a kubapatizigwa mu Zina lyu Jesu Kristo kuti mujatilwe zibi zyanu, nkabela moyo tambula lubono lwa Leza.” Calo Ncijaluzyo caku Mulyango, alimwi Jesu Mulyango.

Kuli biyo Mulyango omwe wa kuponya, alimwi Jesu ngo Mulyango oyo.

⁵⁴ Kuli biyo Mulyango omwe wa luumuno. Inzya. “Luumuno lwangu Nda mupa.” Walo Mulyango omwe biyo ku luumuno lwini. Inga wayeeya kuti ujisi luumuno. Inga mwayungizya mali manji kuti muule ng’anda yanu, inga mwayungizya mali manji kuti mujane zisani zyanu, kuba a cakulya ca kulya, pele inga wayungizya mpuwo mpati ya mpuwo aakati ka bantu. Pele cindi wa samununa mabbusu ako masiku a kulibambilala, kuli Cintu Comwe biyo cikonzya ku kupa luumuno. Nko kuti, ikuti na ulizi kuti wakali kufwa masiku ayo, kuli Luumuno lomwe luzutu, alimwi, nkokuti, Jesu ngo Luumuno. Ngo Luumuno lwesu.

⁵⁵ Ngo Kuponesegwa kwesu. “Ndime Mwami Leza wanu oyo uuponya malwazi anu oonse.”

⁵⁶ Walo Mulyango waku Julu. Elyo kwiina mulyango uumbi na kwiina nzila iimbi pele kwiinda muli Jesu Kristo. Walo Mulyango waku Julu.

⁵⁷ Elyo lino Jesu Mulyango ku zintu ezi zyoonse, alimwi lusyomo ncijuzyo eco cijula Mulyango. Lino, ikuti na Jesu ngo Mulyango ku zisyomezyo ezi zyoonse zya Leza, lusyomo mu mulimo Wakwe uumanide lujula milyango yoonse ku lubono loonse luli mu Bwami bwa Leza. Mwa cibona? Cijaluzyo ngu... Lusyomo ncijaluzyo eco cijula zisyomezyo zyoonse Nzya panga. I cijaluzyo ca lusyomo cila cita eco, lusyomo mu mulimo Wakwe uumanide. Nzeezi zijaluzyo nzo tu kanana.

⁵⁸ Lino mu ba Hebrayo, capita 11, Ndi jisi mulongo mupati wa mbabo balemedwe aawa, wa basiluzibo abo ba lusyomo. Cakali cijaluzyo, ku—ku Mulyango, eco cakaimika mulomo wa balavu. Cakali cijaluzyo, lusyomo, eco cakazibya maanda aa ntolongo.

Lwakali lusyomo, cijaluzyo ca lusyomo, eco caka zimya bukali bwa mulilo, bakayokoka ku mambemba a cceba, kaleta bafu kujoka ku buumi. Lwakali lusyomo, cijaluzyo ca lusyomo muli Leza muumi. Eelyo janza, mwaalumi oyo, mwanakazi oyo, uukonzya kubweza cijaluzyo eco ca lusyomo, bala konzya kujula zisyomezyo zyoonse Leza nzyakapanga. Pele ikuti na tojisi cijaluzyo eco, uli mukucokocca buyo, toka ujuli. Uya kuuma kuli nguwo, nkaambo eci cijaluzyo . . .

⁵⁹ Kufumbwa cijaluzyo cili kabotu cili jisi maliva amukati kaloko, alimwi cibamba ciwa bupange ncobeni, ciimo cimwi ca zijaluzyo kuti zizungulusye maliva aya. Elyo kabeela komwe buyo kaniini kuzwa mu nzila, kayo nyonganya cintu coonse.

⁶⁰ Nkikaako, Nda syoma mu Makanimabotu aazwide, Ijwi lya Leza lyoonse, eelyo lisandula nguzu zya Leza, eco cilesya zilongezyo Zyakwe ku bantu. Calo ncipati ku Mulyango, eco cila Ci jula. Oh, abo basicamba balemu, basinsimi abo a bantu balemu iba Bbaibbele, baka jisi cijaluzyo eco! Ako nke kaambo bakali kukonzya kumuma milomo ya balavu, kuzimya bukali bwa mulilo, kuyokoka ku mabemba a cceba, kujosya bafu ku buumi alubo, a kucita misyobo yoonse ya maleele, nkaambo kakuti baka jatilide cijaluzyo eco alimwi baka ciziba kuti caka beleka, nkaambo cakali cijuzyo cakazyalwa ku Lugwalo.

⁶¹ Lino, ikuti na Ndi kankaizizya ku cijailo cabuzumini bwabukombi, Ta ndizi eco nco ciyo cita. Ikuti na baamba kuti “mbungano yangu yiisya eci,” Ta ndizi kujatikizya eco.

⁶² Pele cindi Bbaibbele lya ciyiisya, alimwi Ndi jisi cijaluzyo ca lusyomo mu janza lyangu, na mu moyo wangu, oyo waamba kuti “eelyo ndi Ijwi lya Leza,” elyo liyo zimya bukali bwa mulilo, ciyo jula kuponesegwa kwa baciswa, ciyo jula lufutuko ku basweekede. Nde elede kusika ku Mulyango, zintuyonse zili mu Zina Lyakwe. “Kufumbwa nco cita mu ijwi na ncito, kocicita coonse mu Zina Lyakwe.” Mukuziba kuti cijaluzyo eco nco jisi ndusyomo, nkaambo ncijuzyo cakapangwa aa Lugwalo. Lino, ikuti na ncijuzyo camikidwe, cijuzyo cakabungwe, Ta ndizi nco ciyo cita. Pele ikuti na ncipati ca Lugwalo, ciyo vununa, nkaambo Leza wakaamba boobo. Lino, oh, ta cigambyi ncobakali kukonzya kulesya bukali bwa mulilo, azimwi zimbi, ba kajisi cijaluzyo.

⁶³ Kuzumizya kutaanzi kwa Leza kuli umwi wa basinsimi abo, taakwe cintu cakali kukonzya kubalesya. Ta keelede kucita mbuli Mbwa cita kuli ndime ciindi cimwi, ku cuuma koonse a koonse, elyo antela nywebo (Nse langili), pele kuzumanana kundaambila kuti, “Koya ukacite ceeci,” elyo mpawo uyo ligunkula antomwe, “Mpawo koya ukacite ceeci,” a “Ko jokela a kucicita alubo, toka cicita kabotu.” Kuzumizya komwe buyo kuniini! Buyo, bakali kukonzya kumvwa buyo Muuya ku baambila, “Nce cintu cakucita,” alimwi taakwe

cintu ciyo balesya. Mukwesu, ba—ba—ba kaimika mulomo wa balavu, ba kaloboka kumbali lya panga, baka zimya mulilo, bakacita zintuzyonse. Kuzumizya buyo kuniini kuzwa kuli Leza, nkaambo baka jisi cijaluzyo mu janza lyabo, olo lusyomo lupati! Ba kacitila zintu zya Leza nkaambo taakwe cintu ciyo balesya. Oh, mbocili cabulemu!

⁶⁴ Mbuli mwaalumi mukubusyi ciindi cimwi waka boola ku mukwesu mudaala oyo wakali mudaala munaleza, musinsimi wa Leza mudaala. Elyo wa kamvwa muntu oyo cakuzumanana kapa bumboni, cakuzumanana kaamba makani aa buboto bwa Leza, a nzila Leza mbwa kabede, a ceeco Kristo mbwakabede, a kuzumanana buyo, kukanana. Kumalekelo, oyu mwaalumi mukubusyi wakali kuyo salwa mu mulimo, aboobo wa kaboola ku mufunko oyu umwi wakaindi, elyo wa kati kuli nguwe, "Munene, Ndi yanda ku kubuzya mubuzyo."

Wa kati, "Amulombe, mwaalumi mukubusyi."

⁶⁵ Wa kati, "Sena Kristo ulaamba kwini kunji kuli nduwe mbuli mbo Ca amba kuti cila cita?"

⁶⁶ Wa kati, "Wa amba kunji kuli ndime kwiiinda Mbwe konzya kusola kuba a kuyoya kukanana!" Nceeco we. Cakali cinzi? Wa kajana cijaluzyo.

⁶⁷ Oyo mwaalumi mukubusyi wakati, ali ceeco, "Ikuti na utaminina zintu ezi, alimwi waamba kuli ndime kuti nzya kasimpe mbuli nduwe, mpawo Ndi yanda kuziba oyo nguwenya Jesu, mu kasimpe." Ino cakali cinzi? Wa kalizi kuti mudaala waka jisi cijaluzyo, cakuti wakali kukonzya kujula a kukonzya kusyonka.

⁶⁸ Nywebo mulizi, cijaluzyo cijala, cilajula, akumwi. Mwabona? Ula konzya kwaangulula na kwaanga. Mbo mbubo. Cijaluzyo nciconya cila jala, cilajula. I cijaluzyo eco cijula, cila konzya kujala. Elyo mbo mbubo ncobeni, mwabona, nkaambo cila beleka nzila zyobilo. Obo mbo cuusisya nsoni kuti mbungano yasola kusweekelwa cilengaano cayo ca ceeco! Ino cakali cintu cakuusa cindi mbungano niya kali sambala ini ku buzumini bwabukombi, mbuli mbo twa kacita sunu, elyo lino kwiita ku kamantana.

⁶⁹ Twa kabona awo kabunga kazyuno kapati kabana Roma a mbabo nkobaya kuswaana lino, bayo cinca mabambe amwi. Nda kayeeya kuti tiiba kacinca; pele baya ku, nekuba, kopa mupaizi aumwi nguzu zya poopu, a—a kufumbwa nkwabede, azimwi zimbi. Obo mbo cifwisya nsoni, kuti mbungano yakasola kusambalwa mubusena bwa Ijwi. Mwabona? Awo mpe mpawo mpoba kasiya cijaluzyo, mpoonya awo. Ako nke kaambo maleele mapati a zitondezyo nco zita citidwe akati ka bantu sunu, kuti kwakali kuyooba, baka sweekelwa cijaluzyo! Inzya, ba lizi Mulyango, ba lizi kuti Mulyango nkouli, pele cintu citobel a ncipati ca kujula Mulyango. I lubono luli kunze lya Mulyango.

Ba kaumwa, kuzwa kukubona, kuzwa kuli sikutasyoma. Pele musyomi, oyo ujisi lusyomo a kukonzya kubweza cijaluzyo ca lusyomo, inga wajula Milyango eyi. Iiyi, munene.

⁷⁰ Ciindi cimwi okuno myaka misyoonto yainda, kwakali mukwesu wa missionari, elyo wa kalimvwa kuti waka jisi kwiitwa ku Africa. Wa kali mulombwana mukubusyi; mukaintu a bana bobile, babotu loko, basimbi bakubusyi, kutandila myaka ili ciloba na lusele yakukomena, kuli umwi. Elyo oyu mulombwana mukubusyi takali kukonzya kuzwa kuli ncico. Wa kali i—i mukutausi, wa kajisi mbungano mbotu mu cisi. Pele ta kakonzya buyo kuzwa ku kwiitwa oko, we “elede kuya ku Africa.” Elyo wa kakomba, isikati a masiku. Ta kali kuyanda kuunka. Elyo Leza waka zumanana kukanana kuli nguwe, “We elede kuunka!” Elyo kumalekelo wa kaboola ku busena kusikila walo, kazekelo, oko, we—we elede kuunka!

⁷¹ Aboobo wa kainka ku nkamu ya makwebo aa mbungano yakwe, elyo wa kati, “Leza wandi tumina ku masena akutolela lusyomo kujokela kulaale mu masaka aa—aa Rhodesia.” Elyo musokwe omu mwa kasumpwa malelia, a ntuntumaanzi a zuba elyo lipya, cipenzyo, a cinsenda, a misyobo yonse ya malwazi amuya musokwe omu, pele uya kubamba... kutola buumi bwakwe boonse. Kasambala muunzi wakwe a zyoonse nzya kajisi. Aboobo missioni bbooti yakali kuyanda ku musunka, elyo ba kati, “Sena uli masimpe lino?”

Wa kati, “Ndili masimpe.”

⁷² Ba kati kuli nguwe, “Munene, sena wa ciyeeya mu ciyanza eci, kuti uli jisi basimbi baniini babotu, elyo ujisi ii—ii mukaintu mukubusyi mubotu, elyo ikuti na uli buyo... Nkaambonzi toinki buyo okuya a kubona mbo cibede elyo mpawo kujokela?”

⁷³ Wa kati, “Peepe, Mwami waka ndaambila. Oh, nca kasimpe loko!” Wa kati, “I Mwami waka ndiita. Elyo Nse—Nse yandi kusiya muunzi wangu, Nse yandi kusiya mbungano yangu a bantu bangu, pele Mwami waka ndiita kujokela omuya musokwe.”

⁷⁴ Elyo wa kati, “Munene, sena ulizi kuti basimbi bako baniini inga babweza ntuntumaanzi ya yello na ntuntumaanzi imbi icisa, a kufwa, busiku boonse?” Elyo wa katondeka ku bantu bandeene abo baka sweekelwa bana babo, balombwana baniini, ku bajosya omuya, ku malwazi ayo nge batakonzyi kusita. Elyo kati, “Amuyeeeye cinsenda, mukaintu wako mubotu a basimbi bako baniini kaba jisi cinsenda, alimwi elyo zuba lipya a zintu nzoelde kweendelana.” Kati, “Sa to yoowede, a ntenda ya kutola bana bako a mukaintu mu busena buli boobo?”

⁷⁵ Elyo missionari wakaima awo, mulombwana mukubusyi, a misozi yakatalika kumbulumukila aa masaya aakwe, wa kanyona, wa kati, “Bakwesu bangu! Cilengaano cangu ca kwiitwa kwa Leza,” wa kati, “ikuti na Leza wa ndiita ku

Africa, bana bangu a mukwasyi mbasikubbi maningi mu Africa kwiinda busena buli boonse mu nyika.” Ameni. Cakali cinzi? Wa kajisi cijaluzyo ku kwiipta kwakwe, wa kajisi lusyomo muli ceeco ncakali kwaambaula. Oh, Nda kayeeya, ino nkwaamba kwacamba! Cindi Ne kasaanguna kumvwa ceeco, moyo wangu waka yuntaana. Mwabona, “Ikuti na Leza waka ndiita ku Africa, bana bangu mu cinsenda a cipenzyo azintu zyoonse zimbi, bakali kabotu okuya kwinda busena bumbi atala a nyika.” Wa kajisi cijaluzyo. Nce ncico nco citola.

⁷⁶ Cindi wano jisi cijaluzyo, kwiina buyoofu, kwiina kuzumbaunya, kwiina mubuzyo. To elede kubuzya uli oonse umbi kujatikizya ncico, ulizi ncobeni. Uli cijisi mu maanza ako, ulizi eco cakucita. Ameni. Nywebo mulizi eco cisi cipati mbo cibede, nywebo mulizi kuti mulyango uyo vununa. Wa lingula maliva nkabela waziba kuti cintu ciluzi nconzyo, citendele ciyo juka kacuuluka cindi wanjizya cijaluzyo muli ncico.

⁷⁷ Oh, ikuti na mbungano niya kavuba buyo zjaluzyo! Ikuti mbungano niya jisi biyo eco cijaluzyo ca lusyomo, inga twa jula mulyango uli oonse, kuciswa kuli koonse, kufumbwa cipenzyo, kufumbwa kaambo ako kaliko. Inga cayupa kuli ndiswe ikuti na twa konzya buyo kukona cijaluzyo eci. Oyu muntu waka jisi cijaluzyo ku kwiipta kwakwe.

⁷⁸ Ikuti na muyo jatila bumboni bwabugame. Nda yeeya kutandila myaka iili kkumi ayosanwe, kkumi aciloba yakainda eno, kutandila, cindi Mwami na kandaambila kunselelo kuya ku mulonga, cindi Na kaseluka mu Musumpululu wa Mulilo oyo Walo ujisi cifoto nco mubona, elyo Wa kakanana kuli ndime elyo Wa kati, “Uyo bweza Mulumbe oyu ku inyika yoonse.”

Elyo Nda yeeya ku Green’s Mill cindi Na kakanana kuli ndime.

⁷⁹ Elyo Nda kaunka a kwaambila mweembeli, elyo wa kandaambila, kati, “Billy, ino walya nzi masiku ayo? Wa kajisi ciloto ciyoosya.” Wa kati, “Kozumanana kujokela ku ncito yako. Uli mukubeleka ku Public Service Company, uli jisi ncito mbotu, ko zumanana kujokela a kumamelu mulimo wako—wako, mwana.” Kati, “Wa kajisi kucitikilwa kubyabi. Wa kalya cintucimwi.” Eco tii cakandi botya nokuceya!

⁸⁰ Cindi Ne katalika miswaangano ya kuponya, bunji bwamu okuno mula yeeya Mulumbe wangu cifumo eco, *Mbuli Davida Mbwa kaunka Kuyo Swaana Goliati*, Nda kakambauka.

⁸¹ Elyo ba kandaambila, wa kati, “Mu buzuba bwa sayaansi yasunu, cindi twano jisi misyobo yoonse ya kubbutukizya makani kwa masilike, cindi twa nojisi bamadokota bayiide maningi, cindi mbungano yaluba kuponesegwa kwa Buleza a zintu kuzwa ku myaka minji, minji yakainda, mbobuti mboya kweenda kumbele lya mubbabbani mbuli boobo? Mbobuti mboya kweenda mu busyu bwa ba Methodisti, Baptisti,

Presbyteria, a bamwi bambi, alimwi abalo ba Pentekoste, nguni waka ciluba ciindi cilamfu cakainda, a kunjila mu tunsiyansiya twabo? Mbobuti mboya kulanganya, kakutakwe kabungwe na cintu cimbi uku gwasilizya? Ncinzi ncoya kucita, Bill?" Bumwi, bumbi, tii cakandi botya nokuceya, nkambo Nda kajatilila mu janza lyangu cijaluzyo! Nda kati... Ba kati, "Taakwe muntu uyo kusyoma. To kakonzyi kucicita. Taakwe muntu uyo kusyoma."

⁸² Nda kati, "Nse kwe ndaba. Kuli cintu comwe masimpe; Leza waka nditumina, nkabela Nde elede kuunka nkaambo Leza waka nditumina." Nda kajisi cijaluzyo. Wa kandi tumina, Wa kandi tondezya, Wa kandaambila, nkabela Nda kabona Busyu Bwakwe cindi Na kandituma, nkabela cijaluzyo cakaliko!

⁸³ I mweembeli wakati, "A lwiiyo lwa giledi seveni, elyo uyo kambauka a kukomba kumbele lya bami a basimalelo!"

Nda kati, "Eco cileendelana a Ijwi Lyakwe!"

⁸⁴ Kutandila ciindi eci mwaka wainda, na mvwiki na zyobilo kakutanaba, cindi ni Nda kasika ku mbungano kuno a kumwaambila kuti Mwami Leza waka ndipa cilengaano, ca kuunka kubweza lweendo lwa kuvwima, elyo i-i munyama umwi Ngwe kali kuyo jana, oyo wakali kuyooba meja ali makumi one a obile ali njiyo. Elyo mu lweendo kujokela kuzwa kuyo bweza oyu munyama (oko nkwa kalede, cilao mwa keelede kuba), mu lweendo kujokela Nda kali kuyo jaya masekese usalaluka. Elyo Nda kaunka ku cibeele eci cimwi, elyo Nda kaambaula ku mwaalumi, elyo wa kati, "Ta ndizi munyama uli oonse uboneka mbuli boobo. Elyo kuciimo ca masekese usalaluka, Nsena bwene omwe."

Nda kati, "Pele kubusena bumwi ceelede kuba kokuno."

⁸⁵ Aboobo wa kati, "Ta tuunki akwalo mu cisi ca masekese. Tuya butanta mbelele, kulaale atala lya zisaka zya mapulanga mapati." Ee, Nda kaunka angwe.

⁸⁶ Elyo buzuba bwabili kubusena, mu kasena nkakonya, mbubonya awo Mwami mpa kaamba, mpaawo kwakalede munyama. Aboobo cindi ni Nda kaunka a kubweza munyama, elyo kuciindi notwakali kubweza cikutu a meja a zimwi zimbi, kuzwa, wa kati, "Ndi yanda ku kubuzya cintucimwi. Wa kandaambila, mazuba otatwe ainda cindi nitwa kazwa i-i cilawo, kuti nimwa kamana kudubula munyama oyu umwi, kuti mu lweendo kujokela wa kali 'kuyo jaya masekese usalaluka.'"

Nda kati, "Ngu MBUBOOBU MBWAAMBA I MWAMI!"

⁸⁷ Kati, "Nse zumbauzyi," wa kati, "nkaambo mukwesu wakali sikasuntu, elyo tona mubona mu buumi bwako, cindi nokali atala awa ciindi cimwi, elyo wa kandaambila kuti mulombe oyo uyo ponesegwa cindi Ne kacita cintu cimwi. Elyo mbwa kabede." Wa kati, "Lino, pele, Mukwesu Branham, Ndi yanda ku kubuzya," wa kati, "Nda konzya kubona lweendo lonse aansi

lya mulundu oyo kuli cisaka ca masamu mapati, zyalo mbizi kaziimvwi. Elyo kunyina cintu omuya. Takukwe kabeela ka bwizu, takukwe mwaala, takukwe cintu.” Tusamu twa mossi tuligwa banyama ba Karibou, elyo litandila kulampa mainci obile, atala lya masamu atungene, ku maile na ainda atala lya zisaka zya masamu. Kati, “Uli kuli masekese uyooba?”

⁸⁸ Nda kati, “Leza ngu Jehova jire. Ikuti na Wa ndaambila kuti kuyooba masekese okuya, kuyooba umwi okuya.”

⁸⁹ Kunselelo lya mulundu, kutandila ziindi zyoonse tusika cisela ca maile na obo, munsi loko, wa kati, “Mukwesu Branham, kutandila ciindi ca masekese oyo kulibonya.”

Nda kati, “Uta pengi, uyo oba kokuno.”

⁹⁰ Elyo cindi nitwakali kutandila mukati kutandila mayaadi ali myaanda yosanwe awo mbizi mpo zyakabede, twa kacita kulyookezya alubo a meja malemu a zintu kusule lyesu. Elyo wa kalanga koonse alimwi, elyo Nda kabona busyu bwakwe mbuli mbwa ka ndilanga, mbuli kuti kensi kwa moyo wakwe wa kali kugambwa. Mwabona, wa ka *cilangila* kuti ciyooba okuya, pele ta kajisi cijaluzyo.

⁹¹ Pele bumwi, ku luzyalo lwa Leza, Tana ndikakilwa. Cindi Na kandaambila kuti kuyooba nsiliva okuya, Nda kajisi cijaluzyo. Nse kacizumbaunya nokuceya, nokuceya. Nda kavuulukila kuli nguwe, elyo Nda kati, “Bud, kuyooba ko.” Elyo mbo Nda kanyona, kwakali masekese [Kabeela katakwe cintu aa teepu—Mul.] kaimvwi mpoonya atala lyesu, kutandila cisela ca maile.

⁹² Wa kasama bbainokkilasi, wa kati, “Billy, aboobo ndigwasye, ngu masekese utubuluka!”

⁹³ Mwabona, cijaluzyo, cilengaano, Ijwi lya Mwami, taakwe cintu cikonzya ku Li cinca na ku Li lesya. Eco mbungano ncoi yandikana sunumasiku taluli lwiyo. Eco mbungano ncoi yandikana sunumasiku taili kabungwe. Eco mbungano ncoi yandikana sunu masiku taali kayanza kabuzumini. Eco mbungano ncoi yandikana sunumasiku ncipati ku Magwalo, Mulyango. Kwalo, Kristo ngo Mulyango, alimwi Walo ndi Ijwi. Lusyomo mu Ijwi lya Leza muumi lujula mulyango onose.

Leza, kotupa cijaluzyo. Kotupa cijaluzyo.

⁹⁴ Bahebrayo, cipati 12, yaamba kuti, “Mukubona kuti tu zungulikidwe a nkamu pati lya bakamboni, atu bikke ambali zitucelezya zyoonse, a kutasyoma oko kula tunyonganya mu buteteete.” Li laamba “cibi,” calo, *cibi* ii “nkutasyoma.” Mwabona? Cibi comwe biyo, oko nkutasyoma.

⁹⁵ Elyo *cibi* caamba “kwiimpya mbaakani.” Mboli kuti ula dubula, waimpya mbaakani, ncibotu wacinclulula ntobolo yako, mwabona, nkaambo kuli cintucimwi cilubide. Mwa kaimpya mbaakani. Mwabona, kujokela a kusola. Mwabona? Caamba

kunyona, mwa kaimpya mbaakani. Cindi wa yanda kuba Munakristo, nkabela waunka kuyo sangana mbungano, wa kaimpya mbaakani. Cindi wa yanda kuba Munakristo, nkabela waka sansailwa mu zina lya “Taata, Mwana, Muuya Uusalala,” mwa kaimpya mbaakani. Ncibotu mwapiluka. To nooli aa mbaakani. Uyo mwaisya, masimpe mbuli inyika. Kuli biyo Cintu comwe cikonzya kukujatilila mu nzila ilondokede, olo Ndugwalo, Bbaibbele, Ijwi. Nkambo, majulu a nyika ziyo loba, pele Ijwi lya Leza tali kalobi.

⁹⁶ Aboobo, jatilila cijaluzyo, lusyomo mu Ijwi! Elyo kabeela koonse ka lusyomo ndo syoma, a kuta zumbauzya kabeela komwe, inga wajula mulyango oonse uuima akati kanu a cilongezyo eco Leza nca jisi canu. Akube kuti Leza atu gwasye kuba a zjaluzyo, ngo mupailo wangu. Atu kotamike mitwe yesu lino ku ijwi lya mupailo.

⁹⁷ Taata wesu Wakujulu, twa Ku lumba sunumasiku kuti Wa tupa cijaluzyo caku tu julila lufutuko. Nda—Nda Ku lumba kuli ceeco, Mwami, kuti twa kafutulwa, alimwi ku cijaluzyo eco neco twa kali kukonzya kubelesya kusika boobu. Pele, Leza, kotupa lusyomo, kuti oonse Majwi aya alembedwe mu Bbuku Lyako ngu kaano kaniini, alimwi eci Cijaluzyo citegwa Jesu... eci Mulyango, Nda amba, uutegwa Jesu; a cijaluzyo, citegwa lusyomo, kuguma Ijwi lyoonse, cila cijula. Lu pusya kaliva aki kaniini ansi nkabela inga twa njila mu cilongezyo eco. Taata Wakujulu, kotupa zjaluzyo, kutegwa tu konzye kuba a lusyomo mu zisyomezyo zya Leza, kuti lusyomo lwesu inga tilwa kakilwa, kuti inga twa konzya kuba mulimo kuli Nduwe a kuli baabo mbo tu swaangana abo.

⁹⁸ Kojatila zibi zyoonse zya kuunduluzya kwesu, Mwami, a kutu gwasya kuba Bako. Tula boola lino ku tafule lya mulalilo, elyo Nda komba, Taata Wakujulu, kuti Uyo tujatila milandu yesu yoonse, kuti tu konzye kunjila mu lutangalo lwa luswaanano ku tafule lya Leza. Twa cilomba mu Zina lya Jesu. Ameni.

⁹⁹ Mukwesu wangu, mucizi, ikuti na ujisi cijaluzyo ku Bwami, cijaluzyo ku Mulyango, cijaluzyo ca lufutuko, Leza amu gwasye kujula milyango a kulekela Jesu kunjila. Amu Mu leke amupe zintu ezyo nzomuyanda loko—loko.

¹⁰⁰ Lino, kaindi buyo kaniini katutana talika kubala mulalilo, Ndi yanda kwaamba cintu nkaambo cili aa mulalilo. Elyo cindi twa boola ku cipaililo eci, kuli nzila yomwe biyo ya kuboola, nkuti, ikuti na twa jatilila cijaluzyo ca lusyomo mu maanza esu, eco cituzibya kuti zibi zyesu zila jatilwa. Elyo ikuti na ta tujisi cijaluzyo eco kujula Mulyango oyo, kuti zibi zyesu zila jatilwa, ta tujisi mulimo ku tafule lya Mwami. Nkaambo, oyo uulya a kunywa caku teelela, ulalya a kunywa cakulibeteka kuli lwakwe, kutali kutweluka mubili wa Mwami. Lino, obo mbwini.

¹⁰¹ Ndi yeeyela kuti toonse swebo tu lizi kuti sunu Mbuzuba bwa Mulalilo wa Cisi. Obu mbo buzuba mambungano oonse mbwalya mulalilo. Bwalo Mbuzuba bwa Cisi ku cisi. Elyo Nda kayeeya kuti inga ceelela ku kanana ijwi na obilo aa mulalilo katutana ku li bweza, kuciindi mweembeli, ikuti na uyo, bamba Magwalo kulibambila ku kubala kwa i—i malailile aa tafule lyu Mwami. Lino, oyu mulalilo... Lino, Nse kotola pele kutandila buyo maminiti ali kkumi.

¹⁰² Oyu mulalilo ngo tuli bambila kutola, wakali kukazyanya kupati loko kwa njiisyo iili yoonse mu Bbaibbele. Ezyo zyakali zyabo... cimwi ca milazyo yabo ntaanzi mu mbungano ntaanzi. Elyo sunu ba Protestant, ba Episkopaliani a ba Methodisti, a manji mambungano aa Protestant, inga akkomana kuzumina Katolika, njiisyo ya Romani Katolika, ikuti na konzya kusotoka ntunda niini ya mulalilo. Pele bayo zuminna kuti mupaiizi weeleda kukwata a kuba bakutausi, mbungano ya Katolika yaka zuminana ziindi zisyonto mu zilengwa zyabo a miswaangano. Bala zuminana ali njiyo. Elyo bayo zuminna aa mipailo yandeene, azimwi zimbi, mbungano ya Protestant iyo zuminana ali njiyo. Elyo tutikizimu azimwi zimbi, cipaililo ciini awa a kokuya, alimwi mbungano ya Katolika ili libambilide kucicita. Pele cindi nicaka boola ku mulalilo, mbaabo bakawa. Kufumbwa muntu wakasola kubala makani aakale ulizi eco. Pele, mubwini, ku nzila yangu ya kuyeeya, ba kali kujisi zinji zya kuzwa, ka Ndi—Ndi konzya ku cizumina, nywebo mwabona, nkaambo talili Bbaibbele.

¹⁰³ Pele Ndi yanda kwaamba cintu comwe ku mbungano ya Katolika. Sena mulizi kuti mbungano ya Katolika, ku matalikilo, yakali mbungano ya pentekoste ya buapostolo? Ncobeni mboya kabede! Ca kali matalikilo mataanzi aa mbungano. Elyo mwabona awo mpo—awo mpo ba kasika, ba kazumanana kugwisya Ijwi a kunjizya kayanza kabuzumini.

¹⁰⁴ Elyo ikuti na mbungano ya Pentekoste yeelede kuba myaka imbi ili mwaanda, inga kwaba kulaale kuzwa ku Bbaibbele kwiinda mbungano ya Katolika mboibede sunu, kuzwa ku nzila mbo yeenda eno.

¹⁰⁵ Ca katola mbungano ya Katolika myaka iikubwene, ili myaanda kuzwa kuli Njiyo, myaka ili myaanda yotatwe, kuzwa ku mbungano ntaanzi kuya ku kabunga ka mbungano ya Katolika ya Roma, eyo njoba katalika. Elyo bajata, kunjizya nkumekume zipati a zintu, elyo ba kakosola *ceeci* a kubikka muli *ceeci*, aku gwisya *ceeci* a kwaanzika *ceeco*, akulosya mituni ya bupagani akubikka zibumbwa zya Bunakristo, a zimwi zimbi, a kulimvwanya buyo aali Eco kusikila baboola kuli eco ncoba jisi eno, mbungano ya Katolika ina Roma.

¹⁰⁶ A limwi mbungano ya Pentekoste yabana Protestant kuzwa i—i myaka ili makumi osanwe eyo yakaliko, awo mpoaya

kawida awo mpoya katalikila, ciyooba ciimo cibyaabi kwiinda mbungano ya Katolika, mu myaka ili mwaanda kuzwa lino. Mbo mbubo. Eelyo ndi bbala pati lya kwaamba, pele amulange buyo oko nkoba kawida. Ba kanjila moonya mu kabunga, ba kanjila moonya mu kulimvwanya aali *eci a eco*, a zintu zyoonse zimbi. Elyo mbaabo balaunka, mwabona, kaba jokela nkoonya.

¹⁰⁷ Pele, *mulalilo*, ulategwa “cilalilo ca Mwami.” Lino, bunji bwa bantu, ba yanda ku cibweza cifumo. Teelya kaamba mu Bbaibbele kuti lyakali *kalimbabula Kakwe*. Elyo obo bantu aba sunu, obo mbo bakonzya kwaamba kuti “cilalilo ca Mwami,” nkabela taba citi. Ba kagusya *cilalilo*, a ku cisotoka, a kuciita kuti “cisuusulo,” bufubafuba. Cilalilo!

¹⁰⁸ Lino, lyoonse kukazyanya mu ziindi zya Bbaibbele, lwakali kukazyanya kaindi. I bantu tiiba kamvwisya cilalilo ca Mwami. Cindi niba kasika ku tafule, Paulo wakaambila Bakorinto abo, bakali kuboola a kukolwa ku tafule lya Mwami. Mwabona, tii cakamvugwa kabotu mpawo. Wa kati, “Ikuti na uyanda kulya, kalye ku muunzi.”

¹⁰⁹ Elyo cintu cimbi, tee cakamvugwa kabotu, obo mbo cakabede. Basizibi, a bantu kabapona mu cibi, kaboola a kulya mulalilo. Elyo eco tee cakamvugwa pe. I muntu kapona a banyina, banyina bakujana, a mbungano yaka mwaambila kujatikizya ncico; ucilya mulalilo ku tafule.

¹¹⁰ Elyo kwakali mipampo akati kabو, alimwi baka cili kulya mulalilo. Wa kati, “Nda mvwigwa kuti weenda mbuli bamwi Bamasi. Elyo kuli—kuli kucumbana akati kanu, mbuli mbo kubede ku—ku ikapati mu ng’anda ya Kkefa, abamwi bambi.” Kati, “Yebo weenda mbuli bamwi Bamasi.” Mwabona, tii caka mvwigwa.

¹¹¹ I mulalilo waka mvwigwa lyoonse. Lino, Nda konzya kuzumanana kuli ceeco kwa maora, pele tweeleda kutambula mulalilo oyu a kusanzigwa kwa matende. Lino baka sotoka buyo kusanzanya matende kumaninina, cita buyo tubungwe tusyoonto. Ii bunji bwa ba Pentekoste baka tantamuka cakumaninina kuzwa kuli ncico. Mwabona? Elyo cicili mu Bbaibbele nzila buyo mbo caka lembwa. Mwabona?

¹¹² Lino, Rome tai ciita kuti “mulalilo.” Ba ciita kuti “pobwe lya mukamu, ngu pobwe lya lyoonse.” Taba lyi mulalilo, balya pobwe lya mikamu. Ngu pobwe lya mukamu, alimwi pobwe lya cilalilo ncobeni lilabweza bupanduluzi bwini kuzwa ku mulalilo. Ii *pobwe* lya cilalilo caamba “kulangila.” Ba bweza pobwe lya cilalilo, kulangila (kuti mu kucita eci mu pobwe lya cilalilo) kuti Leza uyo bajatila zibi zyabo, kwiinda ku kubweza “mubili wini wa Kristo, oyo mupaizi ngwa sandula ku Mubili a Bulowa bwa Kristo,” kubweza ceeco, kulangila kuti Leza uyo jatila zibi zyabo kwiinda mu kucita boobo. Bwalo mbunjia.

¹¹³ I ba Protestant ba ciita kuti “mulalilo.” Mulalilo caamba “kupakulumba.” Kuti ba Protestant . . . I muna Katolika uli mukubweza pobwe lya cilalilo, mu pobwe lya cilalilo kulangila kuti Leza ula bajatila zibi zyabo. I muna Protestant ulaulya a kupa kulumba kuli ceeco cakacitwa kale a mulalilo a Leza; kukwabana a Nguwe, kuti caka citwa kale. I muna Katolika ulangila kuti cacitwa; muna Protestant ulaamba caka citwa kale. I Katolika ila gambwa ikuti zibi zyakwe zyajatilwa; muna Protestant uli muku lyaambilila kuti bajatilwa, kuti uli angulukide. Alimwi mulalilo uli kwabana a Leza. Elyo ezi zyaano nzo tubweza, kutali mu *bulangizi* kuteeti zibi zyesu zila jatilwa, pele *bala* jatilwa. Nkaambo ci . . . Bulangizi bomwe; alimwi bumwi bumbi ndusyomo. Umwi ulangila kuti uli luleme; alimwi umwi umbi ulizi kuti uli luleme. Mwabona? I umwi umbi, umwi ulangila, nkaambo tazi awo mpa imvwi; umwi umbi ulizi kuti uli luleme, nkaambo uli zyi eco Leza nca kaamba. Nce ncico. Olo ndo lwandaano. Aboobo, cindi wano langila buyo, ko cenjela; pele cindi waziba, mpawo ko zumanana. Wabona, mpawo uli mulalilo a Leza. Protestant ni, wa amba kuti ula jatilwa alimwi uli cizyi; wa Katolika ujisi pobwe lya cilalilo, kulangila kuti uyo jatilwa. Cili buyo mbuli boobu: umwi ngu mukumbizi, kulangila kuti zintu zyoonse zili kabotu, mwabona; umwi umbi mukumbizi ulumba nkambo ka ceeco cakacitwa kale. Boonse mbakumbizi. Pele umwi ula kumbila, kulangila kuti uyo citambula; mukumbi umbi uli zyi kuti ulijisi, aku Mu lumba nkambo ka ncico. Lino, kuli lwiindano. Oyo mulalilo. Iiyi, munene. Umwi ulangila kuti wa jatilwa; umwi umbi ulizi kuti wa kalekelelwa, a kupa kulumba kuli ncico.

¹¹⁴ Aboobo, mulalilo ngwa Banakristo abo bakazyalululwa ku Muuya wa Leza. *A kuzyalululwa* ta kwaambi kwini lino kuti ujisi Muuya Uusalala. Lino amuyeyeye. Lino, banji bayiisya ceeco. “Nse zyi umwi oyo uciyiisya mbuli boobu,” mbuli Mukwesu Arganbright mbwa kaamba busiku obo kuzwa ku cikambaukilo okuno, mwabona. Pele, kuzyalwa kupya taali lubapatizyo lwa Muuya Uusalala. I Lugwalo talu lugwasyi, Nse yeeyi, mwabona, ku nzila yangu yaku lubona. Mwabona? Nda syoma kuti wa kazyalululwa . . .

¹¹⁵ Elyo nke kaambo Nce belesya lubapatizyo lwa ijwi mu Zina lya Jesu Kristo, pele kutali kulengululwa. Lino, mbungano ya Pentekoste, Ikamantene ya Pentekoste, iibbizya mu Zina lya Jesu Kristo ku kulengululwa. Nse syomi eco. Elyo bala konzya kucicita ikuti na bala yanda. Pele Ndi syoma kuti Petro wakati, “Amweempwe,” lutaanzi. Maanzi taagusyi zibi. I Mbungano ya Kristo ila cikambauka mu nzila eyo. Pele Ndi syoma kuti kweempwa, buusu bwa bunaleza; *kweempwa* caamba “kunyona, kujokela,” wa kaimpya mbaakani, “kutalika alubo.” Kocita eco lutaanzi! Alimwi lubbzijo lwako mu maanzi kwaamba

biyo kwanze ku cintucimwi cakacitika mukati ka nduwe, kuti wakatambula Kristo mbuli Mufutuli wako.

¹¹⁶ Ndi yeeyela kuti ni mbungano buyo okuno sunumasiku, kuciimo Mbwe zyi, Nseli waano kwini kuziba oyo uboola na pe. Nda katambula kukazigwa calino ku kubbizya muntu okuno mu ciziba, muntu mudaala. Elyo Nda kaunka kuli nguwe, wa kali mudaala mubotu. Nda kajisi coolwe ca kusololela mukwasyi wakwe oonse kuli Kristo, boonse babo Banakristo. Oyu mudaala wakali mudaala mubotu, elyo Nda kamuyanda, aboobo Nda kaunka kuli nguwe elyo Nda kati kuli nguwe, "Taa, nkaambonzi tobi Munakristo?" Ula ndiyanda.

¹¹⁷ Wa kati, "Mukwesu Branham, inga Nda ba Munakristo ciindi Nda konzya kuba kabotu kweelede."

¹¹⁸ Nda kati, "Kwaambila eco nco cita, Taa. Wa langa koonse kusikila wa jana awo mpo konzya kujana cibotu kweelede, mpawo kundaambila awo busena obo mpo bubede, Ndi yanda kuunka, ambebo." Nda kati, "Kristo kwiina naka boola kufutula muntu mubotu. Wa kaboola kufutula muntu mubi." Cindi wayeeya kuti uli kabotu, mpawo Ta kaboola kukufutula. Wa kabbolela kufutula kuti Uli zyi bubi. Mwabona? Kristo wakafwida kufutula basizibi. Mwabona? Elyo Nda kati, "Taa, kuli mundando mpoonya awa."

Wa kati, "Ee, Nda fweba misanga yatombwe eyi."

Nda kati, "Nse kokanana akwalo kujatikizya njiyo."

Wa kati, "Nda sola kwileka, Mukwesu Branham."

Nda kati, "Ncibotu, ta tuko ambaula zya misanga yatombwe."

Wa kati, "Ee, cindi Nda konzya . . ."

¹¹⁹ Nda kati, "Uta—utaambi limbi kujatikizya mbabo, aba unke. Ndi yanda ku kubuzya mubuzyo."

Wa kati, "Ncibotu, ino ncinzi?"

Nda kati, "Sena ula syoma kuti kuli Leza?"

¹²⁰ Kati, "Nincobeni, Nda cisyoma." Kati, "Nda syoma eco canguzu mbuli mbo cita, inga Nda yeeyela, Mukwesu Branham."

¹²¹ Nda kati, "Sena ula syoma kuti oyo Leza nguonya wakazabuka bube Bwakwe alimwi wakaba mu mubili wabantu a kukkala akati kesu mucimo ca muntu Jesu Kristo, kutegwa afutule muntu?"

Wa kati, "Iiyi, Nda syoma obo."

"Elyo Wa kafwa kufutula basizibi mbuli mbobede a mbuli Ndime?" Mwabona?

"Iiyi, Nda syoma obo."

¹²² Nda kati, "Lino, cili mbuli boobu. Toonse tuli mu buyake bomwe bupati kutala okuno, alimwi tuli mu ntolongo, elyo Nse

konzyi kwiima mu kkona eli a kwaamba ‘eci ciyo ndigwasya kuzwa mu ntolongo,’ Nda ima okuya mu kkona a kwaamba ‘eco ciyo ndigwasya kuzwa mu ntolongo,’ toonse tuli mu ciimo nciconya. Elyo bantu boonse abo bakazyalwa mu nyika eyi bakazyalwa mu cibi, kabambwa mu milandu, kaboola ku nyika kuzo beja. Walo muzangi, kuzwa kumatalikilo.”

¹²³ Umwi wabuzya buzuba bumwi, wa kati, “Mukwesu Branham, ikuti...sa inga kwaba lwandaano lumwi akati ka Adamu a Eva, a bana babo sunu, ikuti na boonse bakali cinswe, kabeenda mu i...Sa—sa mibili yabo inga yaba mbubonya?”

¹²⁴ Nda kati, “Peepe, munene.” Twa kali kuboola ku muunzi kuzwa ku kuvwima basikaale, Mukwesu Fred a Ndime, a nkamu ya mbabo. Nda kati, “Peepe, inga taba kozyanya.”

¹²⁵ Kati, “Yebo waamba kuti Eva inga taaba mwanakazi mbuli bana bakwe basimbi, elyo Adamu inga taaba mwaalumi mbuli bana bakwe basankwa?”

Nda kati, “Mu kulemeka kunji, pele kutali mu bulemu boonse bwakunyama.”

Wa kati, “Ino ndwandaano nzi?”

¹²⁶ Nda kati, “Niba takaba a kkombo. ba kalengwa. Nconzyo. Tiiba kajatilide ku cintu.”

¹²⁷ Kufumbwa kuti oyo uzyala okuya a zintuzyonse zya kazyalwa mu inyika eyi, kutondezya kuti muzangi, kuzwa kumatalikilo. Mbo mbubo. Nda kati, “Masimpe, kuli lwaandaano. Inga nobata kali jisi makombo. Tiiba swaangene ku mwanakazi uuli oonse, kuboola kuno.” Mwabona, Leza waka balenga.

¹²⁸ Lino, Nda kati, “Ndi yanda kwaamba cintucimwi. Muntu aumwi mu ng’anda eyi ya ntolongo, oyo ususalala? Nguni oyo wata kazyalwa ku nkewa? Nguni umwi uukonzya kugwasya umbi, takukwe makani obo mbwabede? Toonse tuli mu ntolongo eyi yomwe. Pele Leza wakalibambilila Mwini kumwi kwa zilenge Zyakwe a kuboola kwiindilila nkewa, kwiinda mu Bulowa busalala obo Mbwa kalilenga Mwini, elyo kwiinda mu Bulowa obo Wa katunununa.” Nda kati, “Ula syoma obo, Taa?”

Wa kati, “Nda syoma eco.”

¹²⁹ Nda kati, “Kristo wakafwida muntu mubi mbuli nduwe. Lino, kuli nzila yomwe biyo ya kucita. Taakwe cintu nco konzya kucita. Ula cipa kuli nduwe. To konzyi kucipa bweelelo. Taakwe nco konzya kucita ku cijana. Ula cipa buyo kuli nduwe. Sa ula zumina eco Nca kakucitila, ku kusinkila ku gehena?”

¹³⁰ Wa kati, “Ndiyo cita ceeco.” Wa kati, “Pele ikuti Nda konzya buyo kugwisya misanga yatombwe eyi.”

¹³¹ Nda kati, “I misanga yatombwe iyo libamba lwabo. Nywebo buyo...Nse kulombi. Nseli simulao. Nda syoma mu luzyalo.

“Elyo boonse Taata mbaka Ndi pa bayo boola kuli Ndime.” Nda kati, “Ikuti na wasyoma obo a moyo wako oonse!”

Wa kati, “A moyo wangu oonse, Nda cisyoma.”

¹³² “Mpawo sa uyo cizumina a mbaakani ezyo, kuti toelede kuli ncico, pele Ngo Nguwe uleelela? Uta lilangi lwako; ko Mu langa, nkaambo to konzyi kucita cintu kuli lwako. Amulange Oyo waka mucitila cintucimwi. Ino kujatikizya Nguwe?”

“Oh,” wa kati, “Ule elela.”

Nda kati, “Nce ncico, mpawo kotambula eco Nca kupa.”

Wa kati, “Nda cita.”

¹³³ Elyo Nda kamu bbizya mu Zina lya Jesu Kristo. Elyo walo kazwa awa a kudoneka musanga wa tombwe.

¹³⁴ Ii mvwiki zisyoonto zyainda Nda kali kunselelo ku busena bwa muunzi wakwe. Nda kabona cilengaano busiku bumwi, ca samu lya girini lyonse lya kagonkwa, aka sandamunwa. Nda kaboo ziboodi kazi gagailidwe ali ndilayo. Moonya munsi lya ciboodi camamanino kwakali ciboodi ciyandisi. Elyo ansi eni lya ciboodi eco, ansi kutozya kumamanino, kumaninina mbuli *boobu*, samu lya katyoka mpoonya alya. Elyo Jwi lyakati, “Kweelede kuti wakali nduwe,” na, “Inga wakali nduwe.” Elyo Taata Cox wakawa, kapwayaula sule lyakwe *omu*. Elyo aboobo cifumo cakacilila ba kaleta misanga yakwe yatombwe kuli nguwe cindi nakali mu bulo, kuyandisya kwaka musiya. Mvwiki zyakainda! Ta kalabila naba omwe, ta cuuyandi nouba omwe na cintu cimbi. Mwabona? Elyo Nda kamubona kaindi kainda, cindi maanza akwe nakasalaluka koonse, mvwiki zisyoonto zyainda, a misanga yatombwe, elyo lino ta konzyi akwalo kwiiminina umwi kuba munsi lyakwe. Bikka zintu zitaanzi lutaanzi! Uta soli kujana kabotu; uli muciiimo cibyaabi, kuzwa kumatalikilo, alimwi taakwe nco konzya kucita. Kuli nzila ipambula, a bantunsi boonse bali ku lubazu olo.

¹³⁵ Lino, cindi Ne kazyalwa mu inyika eyi, cakali akati ka lukwatano lusalala, akati ka bataata a baama; mu zyalilo lyakwe lyakali iji, mu magilandi aa taata angu lyakali seelo lya bulowa. Buumi bwangu bujisi seelo eelyo lya bulowa (kutali iji lya baama), seelo lya bulowa ilya bataata. Elyo cindi seelo lya bulowa nilya kanjila mu busena bwalyo bweelede kuyo swaana iji, cindi ni cakacita, bulenge bwaka laililwa kuli Leza kundipa mibili. Elyo mpawo kuti Nda kazyalilwa mu mukowa wabantu, Nda kapegwa ciindi ceelede ca—ca kuba muntu mupampu mbuli bantunsi mbobabede, oko Nkwe konzya kweenzya mootokala, na Nda kali kukonzya kucita zintu mbuli bantunsi mbo bacita, kweenda, kwaambaula, kweenzya mootokala, azimwi zimbi. Nda kapegwa eco, nkaambo Nda kazyalilwa mu mukwasyi wa bantunsi, a kupegwa nguzu zya bupampu kuba muntunsi.

¹³⁶ Lino, cindi Ne kazyalwa mu mukwasyi wa Leza, Nda kaboola kwiinda ku Bulowa, Bulowa bwaka ndipa Buumi. Elyo mpawo Ndamana kuba muumi muli Kristo, Wa kandi bbizya a Muuya Uusalala a nguzu, kuba mwana wa Leza. Lino, mbuli buyo Mbwe kali kukonzya kweenda, kwaambaula mbuli muntunsi, kweenzya mootokala wangu mbuli muntunsi, lino cindi Nda tambula Muuya Uusalala, Nda tambula nguzu zya kutanda madaimona, ku kanana mu myaambo mipy, kukambauka Makanimabotu, kuponya baciswa. Nda bapatizingwa! Kutali kuzyalwa; pele kubapatizingwa!

Ba kali bungene mu kaanda kamujulu,
 Boonse kabapaila mu Zina Lyakwe,
 Ba kabbizingwa a Muuya Uusalala,
 Elyo nguzu zya mulimo zyakasika.

¹³⁷ Ameni. Ula syoma ku Buumi Butamani, nkabela wazyalululwa ku lusyomo lwako. Jesu wakati, mu Musalali Johane 5:24, “Oyo uumvwa Majwi Angu a kusyoma Oyo waka Ndi tuma, ujisi buumi buteeli,” kutali Muuya Uusalala, ujisi buyo buumi buteeli. Wa kazyalwa mu mukwasyi wa Leza. Elyo mpawo kubapatizingwa mu Muuya Uusalala, a nguzu zya bupampu bwa lusyomo, ku syoma Makanimabotu a Kwa bikka kubeleka a Kwa bamba kukutauka kabotu. Ameni. Mpawo ula lilemeka mbuli mwana wa Leza. Mpawo ula konzya kutanda madaimona. Jesu wakati, “Ezi zitondezyo ziyo batobela!” Mwabona? “Mu Zina Lyang’ bayo tanda madaimona, kwaamba mu myaambo mipy, kujata nzoka, kunywa zintu zikola.” Mwabona, ula tambula nguzu kwiinda ku Muuya Uusalala, ku kucita zintu ezi.

¹³⁸ Lino, cindi Na kazwa, Wa kati, “Kuleelede kuli Ndime kuti Ndi inke. Nkambo, ikuti na Nse unka, Muuya Uusalala tau kabooli.” Mwabona? Mpawo cindi A boola, Uyo tapatila nyika ya cibi, a kuiyiisa bululami, a kumu tondezya zintu zyeedele kuboola (ezyo nzilengaano). “Uyo bweza zintu ezyo Nze kayiisa kuli ndinywe, aku ziyubununa kuli ndinywe.” I Majwi ngaonya ayo Nga boola... Taakwe muntu uukonzya kumvwisyia Ijwi kunze lya lubapatizyo lwa Muuya Uusalala. Elyo cindi muntu aamba kuti ujisi lubbizyo lwa Muuya Uusalala, a kukazya Ijwi kaba liluleme, kuli cintucimwi cilubide.

¹³⁹ Paulo wakali sikukazya wa Cizuminano Cipy. Tii cakali obo, Cizuminano Cipy tii cakalembwa. Paulo wakali sikukazya Bunakristo, Saulo. Elyo cindi na katambula Muuya Uusalala, wa keenda myaka yotatwe kumusanza mu Asia a kwiiya Magwalo, nkaambo waka yiisigwa kunsi lya Gamaliyeli, mwiyi mupati. Mpawo cindi na kapiluka, elyo myaka ili kkumi ayone yakainda, wa kaunka kutala kuyo swaana Petro ku Jerusalemu, a kujana kuti bakali Ijwi a ku Ijwi Makanimabotu ngaonya. I Leza nguonya waka jisi Petro kakambauka aa buzuba bwa Pentekoste a ku baambila kweempwa a kubapatizingwa mu

Zina lyu Jesu Kristo, oyo Muuya Uusalala nguwenya waka ciyubununa kuli Paulo, elyo wa kabaambila mu Incito 19 niba kamana kubbizigwa ciindi cimwi kwinda kuli Johane, kat, “We elede kubbizigwa alubo, mu Zina lyu Jesu Kristo.” Mwabona?

¹⁴⁰ Mwabona, Muuya Uusalala ula kkala ncobeni cakululama ku Magwalo. Lusyomo lwawo muli Eco lujula makani onse aasisidwe. Amen. I Bbaibbele lyakati, muli Johane Mutaanzi 5:7, “Kuli zyotatwe zipa bulunguluzi ku, Julu: i Taata, Ijwi (oyo wakali Kristo), a Muuya Uusalala. Aba botatwe bali Bomwe.” “Elyo kuli zyotatwe zipa bulunguluzi mu nyika: maanzi, Bulowa, Muuya. Ezi zyotatwe tazili comwe, pele zila zuminana muli comwe.” Lino, to konzyi kuba a Taata kakutakwe kuba a Mwana, to konzyi kuba a Mwana kakutakwe kuba a Muuya Uusalala; Bali Bomwe. Pele inga wa lulamikwa kakutakwe kusalazigwa, alimwi inga wa salazigwa kakutakwe kuba a Muuya Uusalala. Kusalazigwa nkwiinda ku Bulowa, kwiinda mu Bulowa kwaboola Buumi. Mwabona? Elyo Muuya Uusalala ni nguzu zya Leza, mwabona, nguzu zyaka pegwa ku mbungano.

¹⁴¹ “Muyo tambula” (inzi?) “nguzu,” Incito 1:8, “oyu Muuya Uusalala wakuboola ali ndinywe. Muyo tambula nguzu!” (Kutali “muyo zyalululwa.”) “Muyo tambula nguzu Muuya Uusalala waakumana kuboola ali ndinywe. Mpawo muli bakamboni Bangu mu Jerusalema, Judaya, a Samaria, ku zibela zili kulaale zya nyika.” Mwabona? Mula tambula nguzu mwamana kutambula Muuya Uusalala. Pele lutaanzi weelede kutambula Muuya Uusalala, nkabela ezyo ni nguzu zya Leza, mwabona, kuyubulula a kutondezya. Uli—uli...mbuli mbo kali muntunsi, a kwiya kwaambaula a kweenda a kucita zintu muntunsi nzyacita; cindi wa bbizigwa a Muuya Uusalala, wa pegwa nguzu zya kulilemeka mbuli bana balombe abasimbi iba Leza. Ta cigambyi bantu nco balilemeka a kucita nzila njoba cita sunu, tabana zuzigwa Muuya Uusalala. Ikuti na bakacita, nibalilemeka bwandeene. Ba tamininga kuti bali jisi, pele Jesu wakati, “Kwiinda ku micelo yabo moyo baziba.” Aboobo mbobuti mbo konzya kucicita, nywebo mwabona, caka nyonganya coonse. Mwabona? Pele kujokela ku tusimpe!

¹⁴² Lino, ikuti na weenda cakululama akuli taminina lwako kuba Munakristo, twa ku tampa sunumasiku ku tafule lyu Mwami. Sunu, kwiina kuzumbaunya, mulalilo waligwa koonse ku cisi, bamwi babo mu nzila imwi a bamwi muli iimbi. Pele Ndi yeeya kuti nzila mbotu maningi yakucita nku tobela Magwalo, nzila buyo mbo bakacicita mu Magwalo. Ndi yeeya kuti eco inga cabu ceelela.

¹⁴³ Sena uli jisi Bbaibbele lyako, Mukwesu Neville? Mukwesu Neville lino uyo bala Magwalo.

[Mukwesu Neville waamba, “Mu cipati 11 ca Bakorinto Bataanzi, katalikila kampango ka 23.”—Mul.]

[Nkambo Nda katambula ku Mwami ayo makani ngi Nda kamusiila, Kuti Mwami Jesu ku masiku ayo ngaonya nga kaabwa wakabweza mukamu:]

[Elyo cindi nakapa kulumba, wa kaukomona, a kuti, Amu bweze, mulye; oyu ngu mubili wangu, ngu mu komwedwa: obu kamucita kuti cibe ciibalusyo cangu.]

[Kumane mu ciyanza nciconya wa kabweza kanywido, cindi na kanywa, kaamba, Aka kanywido ncizuminano cipyu mu bulowa bwangu: eci kamuno cita, kanji mbuli mbo mu kanywa, mu kwiibaluka ndime.]

[Nkambo mbuli ciindi coonse ncimulya mukamu oyu, a kunywa kanywido aka, mula tondezya lufu lwa Mwami mane do akasike.]

[Nkikaambo kufumbwa muntu uulya mukamu oyu, a kunywa kanywido aka ka Mwami, cakuteelela, uyooba a mulandu ku mubili a ku bulowa bwa Mwami.]

[Pele muntu asaangune kulilingula mwini, elyo nati lye mukamu oyo, a kunywa kanywido ako.]

[Nkambo oyo uulya a kunywa cakuteelela, ulalya a kunywa lunyonyooko kuli lwakwe, kuta twelukwa mubili wa Mwami.]

[Nkambo kaako banji bali kompeme a kuciswa aakati kanu, a banji balafwa.]

[Nkambo ikuti na twa libeteka tobени, ta tweeledе kubetekwa.]

[Pele cindi twa betekwa, tula komwa ku Mwami, kutegwa tu tapegwi mulandu antoomwe a nyika.]

[“I Mwami alongezye kubala kwa Ijwi Lyakwe.”]

¹⁴⁴ Lyoonse ncintu cisalala boobu, cintu cisetekene boobu, Ndi yeeya kuti tweede kuko tamika mitwe yesu lino mu mupailo wa zii. Kondi kombela, Ndiyo kukombela. Atu kombele umwi aumwi, kuti Leza a tufwida luse tu zilenge ziteeleli eco citandila kuba a caabilo ca cipobwe eci cipati mu ciibalusyo ca lufu lwa Mwami wesu.

¹⁴⁵ [Mukwesu Branham wapumuzya mupailo kukuba mupailo wa zii. Kabeela katakwecintu aa teepu—Mul.] Oyu mupailo wa kulyaambilila twapa kuli Nduwe, Taata wesu, aa cipaililo Cako cangolide, a Cituzuzyo cesu, Mwami Jesu. Twa cilomba mu Zina Lyakwe. Ameni.

¹⁴⁶ Lino Nda syoma baalu bayo bweza busena bwabo, alimwi bayo...bwa mbungano, elyo bayo leta bantu mbuli mbo baboola, mundando a mundando, wa mulalilo. Lyoonse amuyeeeye lwiimbo olo:

Oyandwa Kabelele ulimukufwa, Bulowa
 Bwako buyandika
 Tabu sweekelwi nguzu zya mbubo,
 Mane boonse ba Mbungano ya Leza
 ikanununwe
 I kafutuke, iitaka bisya limbi.

Atu kotamike mitwe yesu.

¹⁴⁷ Taata Uusalala a Siluzyalo, Jehova, Singuzuzyonse mupati, kotuma zileleko Zyako aa bantu Bako mbuli mbo tu lindila. Kojatila zibi zyesu. Elyo lino twapa kuli Nduwe cipobwe eci, waini oyu, magirepu ayo akalimwa, a maanza a bakutausi akapyanka aya antoomwe. Elyo cakabambwa kuba waini ku kaambo neco tuuleta lino kuli Nduwe ku nkambo, kuti inga catondezya kuli ndiswe Bulowa bwa Mwami wesu Jesu Kristo. Nda Ku lomba, Taata, ku kusalazya waini wa bukanze obo. Kojatila zibi zyoonse zyesu. Alimwi akube kuti bantu boonse batambula waini oyu ku mubili wabo, akube kuti babe a nseba mbotu, nsana, a lufutuko kuzwa kuli Nduwe. Ko cipa, Mwami. Twa cilomba mu Zina lyia Jesu. Ameni.

¹⁴⁸ I Bbaibbele lyia kaamba kuti cindi Na kakomona cinkwa a kucilongezya, kati, "Mubweze a kulya, oyu ngo Mubili Wangu waka komwedwa ndinywe. Eci kamunocita mu ciibalusyo Cangu." Elyo cindi twa bweza ttubeela otu tuniini twa cinkwa, ka kkosha, ako kakabambwa kakutakwe bumena, kakabambwa aa Banakristo, cila bambwa nkaambo ka kuti ci-ci iminina Mubili wa Kristo. Tula mvwisya kuti—kuti wakali basikwiiya ba buzuba bwa Kristo, na buzuba bwa mbungano, kuti baka bweza zibeela ezi akubamba cilalilo ku cilalilo camamanino, ku cilalilo ca Kristo camamanino. Elyo muciindi cakatobela mu Bbaibbele, bakali basikwiiya abo baka kutaukila zintu ezi ku bantu. Elyo sunu, basikwiiya besu basunu, bakwesu besu awa iba mbungano, basikwiiya ba ceece Nkaambo, kukutauka ku bantu. Elyo bayo bweza zibeela ezi a kupa ku bantu.

¹⁴⁹ Elyo lino cindi watambula eci cinkwa, amuyeyeye, ciiminina Kabelele. Myaka minji yakainda cindi kabelele ka Israyeli nika kakyokwa mu mulilo, a kuligwa antoomwe a zisyu zilula, bantu bakaba anguzu; mabbbusu abo taka zakala, zisani zyabo teezya kakulumpala, kwiinda moonse mu lweendo kusikila bakauma nyika yabo ya cisymezyo. Akube kuti Leza atubambe kuba anseba mbotu, yakukkomana, ku Mu belekela kusikila tusike ku Nyika ya Cisyomezyo eyo Nja katupa.

Atu kombe.

¹⁵⁰ Taata Wakujulu Siluzyalo, mbuli Mbwe kanana sunumasiku ku Mubili oyo Uusalala, wakasalazigwa iwa Mwami wesu, muli Nguwe mwa kakkede buzule bwa Buleza, cindi Nda yeeya Mubili oyo wakoonyaunwa a—a kukomonwa, a Bulowa kabuzwa, sule Lyakwe a mabambo Aakwe kaabalama mo, kauma atala

ansi ku sule Lyakwe, cindi Nda yeeya eci cinkwa, cigalankene caka kandwa ciiminina ceeco, cizwa bupya mu myoyo yesu, twa bikka myoyo yesu, Mwami, aa cipaililo Cako sunumasiku. Kotu jatila, O Leza. Elyo akube kuti eci cinkwa cikomwedwe, mbuli mbo cinjila ku milomo ya baaba, Balandia bako, alimwi akube kuti bazibe kuteeti wakali Mubili Wako muyandisi oyo waka cuzaulwa a kuyaswa, elyo ku mibunda twa ponesegwa. Ko cipa, Mwami. Kosalazya eci cinkwa cakkosha ku bukanze bwaco bukanzilidwe. Twa lomba mu Zina lya Jesu. Ameni.

Lindila aniini buyo.

¹⁵¹ Walo mulalilo wa boonse. Musyomi oonse Munakristo uli tambwidwe ku tafule lya Mwami, kuba a luswaanano olu a ndiswe...?...



CIALUZYO CA MULYANGO TNG62-1007
(The Key To The Door)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munondo mangolezya, Kavumbikaniini 7, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org